



通鑑地理通釋卷第十一


三國形勢攷上

春秋下陽不言虢虎牢不係鄭地有所必據城
所必守王公設險以守其國大易之訓也作三國
形勢攷

蜀漢重鎮

通典蜀以漢中興勢白帝並為重鎮

漢中



郡縣志後漢末張魯據漢中改為漢寧郡曹公討平之蜀先主破夏侯淵遂有其地為重鎮魏延蔣琬姜維相繼屯守唐為興元府治南鄭縣黃權曰若失漢川則三巴不振楊洪曰漢中益州咽喉若無漢中則無蜀矣水經漢水又東黑水注之諸葛亮牋云朝發南鄭暮宿黑水通典漢中故城在南鄭縣東北華陽國志序秦資其富用兼天下漢祖階之奄有四海陳孔璋曰漢中地

形險固四嶽三塗皆不及也趙開曰漢中之地後可據而安前可恃而進胡文定公曰魏人都許不恃方城而守襄陽蜀人都益不恃劍門而守漢中吳人都秣陵不恃大江而守荆渚真氏曰古之為國者必有重臣以當關外之寄蜀以孔明駐漢中吳以陸遜守荆渚

馬鳴閣道

魏徐晃傳與夏侯淵拒劉備於陽平備遣陳式等十餘營絕馬鳴閣道晃別征破之太祖曰此

閣道漢中之險要喉咽也劉備欲斷絕外內以

取漢中

寰宇記馬鳴閣在利州昭化縣

水經注褒水西北出衙

嶺山東南逕大石門歷故棧道下谷俗謂千梁

無柱也諸葛武侯與兄瑾書云前趙子龍

雲退

軍燒壞赤崖以北閣道緣谷一百餘里其閣梁

一頭入山腹其一頭立柱於水中今水大而急

不可安柱此其窮極不可強也又云頃大水暴

出赤崖以南橋閣悉壞時趙子龍與鄧伯苗

芝

一戍赤崖屯田一戍赤崖口但得緣崖與伯苗

相聞而已後魏延先退而焚之謂是道也

自後案舊

修路者無復水中柱褒水又東南歷小石門門穿山通道

六丈有餘

刻石言永平中司隸楊厥所開蓋因石牛道而廣之

蜀都賦曰

岨以石門門在漢中之西褒中之北

郡縣志褒水源出興

元府褒城縣西衙嶺川褒城本漢褒中縣褒斜道一名石牛道張良令漢王燒絕棧道即此蔡

澤謂應侯曰君相秦棧道千里通於蜀漢類要利州馬鳴閣魏武曰此閣過漢中之陰平乃咽

喉之要路

陽平關

通典在興元府褒城縣西北曹公征張魯至陽平魯使弟衛據陽平關橫山築城十餘里乘險夜襲破之先主進兵漢中屯陽平關姜維表後主分護陽安關口陽安疑即陽平周地圖記褒谷西北有古陽平關水經沔水又東逕白馬戍南注云瀘水南逕張魯治東水西山上庾仲雍謂山為白馬塞東對白馬城一名陽平關吳賀邵曰劉氏據二關之

險守重山之固張瑩漢南記曰蜀有陽平江關白水為三關

定軍山

在興元府西縣東六十里先主自陽平南渡沔水緣山稍前於定軍興勢作營黃忠於漢中定軍山擊夏侯淵水經注沔陽故城蕭何所築南對定軍山諸葛武侯遺令葬其山郡縣志西縣本漢沔陽縣地十道記武鄉谷在南鄭縣孔明受封之地

沔水 漢水

職方氏荊州其川江漢

黃氏曰江水自夷陵而下為州界東流會于彭

蠡漢水自房陵以下為州界東南至漢陽入江

郡縣志漢水經南鄭縣

去縣一百步水經及注大江出岷山

茂州東南在

蜀郡氏道縣江水出峽歷荆門江陵華容至江

夏沙羨縣

鄂州

西北沔水從北來注之沔水出武

都沮縣

興州今沔州

東狼谷中漢水出鮒嶠山沔水

東南流注漢曰沮口所謂沔漢者也

孔安國曰漾水東流

為河蓋與沔合也至漢中為漢水是互相通稱矣

東逕沔陽

興元府

南鄭

西城

金州

錫縣襄陽南過宜城縣

襄陽府

郤縣

鄂州石

城竟陵

復州

又東南與陽口合至江夏沙羨縣北

南入于江庾仲雍云沔水南至關城合西漢水

漢水又東北合沮口同為漢水之源通典興元

府金牛縣有嶓冢山禹導漾水至此為漢水亦

曰沔水顏師古云漢上曰沔李氏曰四瀆惟江

最大江發於岷逕夔荆達揚而入於海此江之

原也

易氏曰攷元和志岷山近在茂州而江源遠在西徼在松州之境

外自蜀

而言江之外其水有七出於縣之神泉曰縣水出於什邡之章洛山曰洛水分流於永康之湔堰者湔水縣水自縣竹紫巖山逕德陽入雒洛水自什邡入雒湔水逕導江崇寧九隴濠陽亦入雒三水皆合於雒自雒逕懷安簡資富順至瀘與江水會總曰內水發源於江油之清川逕縣潼遂東至於合曰涪水發源於沔之青泥嶺逕大安利閬果至合於涪水會曰嘉陵水發源

於小巴嶺逕巴蓬之伏虞西南以至於渠曰巴水出萬頃池逕明通又至渠與巴水合曰渠水巴渠二水既合逕廣安新明至合於嘉陵涪水會以達於渝而江始大此七水與江別合之大略也若分流出夷中入中國以附于江者有三曰青衣曰羊山曰馬湖青衣出來山徑嚴道洪雅夾江而下羊山出鐵豹嶺逕漢源出嘉定之南與青衣水合入于江馬湖自夷都流至敘亦

入于江又有出於郡邑之山澤者則自岷峨而下
 下沿流以至於夔不勝其衆其大者如盛山之
 萬頃池則醴流有四一入于渠三入于夔惟漢
 水出蟠冢與江分流由漢金趨襄至江夏大別
 山始與江合此蜀衆水接連荆楚源流之大略
 也胡文定公曰欲固上流必保漢沔

漢樂二城

蜀志建興七年諸葛武侯徙府營於南山下原

上築漢樂二城通鑑築漢城於沔陽樂城於成

固二縣屬漢中郡沔陽今興元府西縣成固今

城固縣通典故西樂城在西縣西南武侯所立

甚險固輿地廣記城固縣蜀改爲樂城水經沔水又東逕西樂

城北注云在山上周三十里城側有谷謂之容

楊亮守之爲苻堅所敗後刺史姜守潘猛亦居

此城東容裴溪注之水左有故城憑山卽嶮四

面岨絕先主遣黃忠據之以拒曹公姜維傳初先主留魏延鎮漢

中皆實兵諸圍以禦外敵敵若來攻使不得入

及興勢之役王平捍拒曹爽皆承此制維建議以爲錯守諸圍雖合周易重門之義然適可禦敵不獲大利不若使聞敵至諸圍皆斂兵聚穀退就漢樂二城使敵不得入平日重關鎮守以捍之有事之日令游軍並進以伺其虛於是令督漢中胡濟却住漢壽監軍王含守樂城護軍蔣斌守漢城又於西安建威武衛石門武城建昌臨遠皆立圍守

水經注華陽國志曰蜀以城固爲樂城縣

興勢

郡縣志洋州興道縣本漢城固縣地後魏分置興勢縣治興勢山上唐武德元年置洋州貞觀二十三年改興道縣興勢山在縣北二十里蜀先主遣諸葛武侯出駱谷戍興勢山置烽火樓處處通照卽此山後主延熙七年將軍王平守之魏將曹爽等攻不克卽今興道縣通典今縣城卽後魏儻城郡因自然隴勢形似盆緣外險

內有大谷為盤道上數里及門水經漢水又東
 逕小城固南注云州治大城固移縣北故曰小
 城固城北百二十里有興勢坂漢水又東右會
 洋水自城固南城入三百八十里距南鄭四
 百八十里洋州東北至京兆府六百四十
 里

駱谷 子午谷 黃金谷

唐地理志洋州興道縣有駱谷路南口曰儻谷
 北口曰駱谷黃金縣有子午谷路京城前直子

午谷郡縣志儻谷一名駱谷在興道縣北三十

里按駱谷在長安西南駱谷關在京兆府蓋屋

縣今屬鳳翔府西南一百二十里武德開駱谷道以

通梁州在今關外九里貞觀四年移於今所駱

谷道漢魏舊路也南通蜀漢魏曹爽伐蜀諸軍
 入駱谷三百餘里

不得前進駱谷路在今洋州西北二十里州至
 谷四百二十里晉司馬勳出駱谷破趙成壁于

懸駒去長安二百里黃金水出黃金縣西北百畝山黃金

谷去縣九里其谷水陸艱險語曰山水艱阻黃

金子午魏曹爽由駱谷伐蜀蜀將王平拒之於
 興勢張旗幟至黃金谷謂此山也故鐵城在縣
 西北八十里城在山上險峻故以鐵為名氏帥
 楊難當寇漢川令薛健據黃金戍姜寶據鐵城
 宋遣梁州刺史蕭思話攻拔之驛即子午道也
 舊道在今金州安康縣界梁王神念以舊道緣山避水橋梁多毀別
 開乾路更名子午道即此路是也輿地廣記駱谷路通長安唐德
 宗僖宗幸興元皆出此通典黃金戍在黃金縣西北八十

里張魯所築

南接漢川北枕古道險固之極洋

有子午駱谷饒風關為蜀門戶

國家於駱谷口置石佛堡子午

谷口置陽嶺寨西城路置渭門寨分水寨皆備
 禦之要魏張郃由子午欲攻漢中曹真從子午
 道南入漢順帝詔益州刺史罷子午道通褒斜
 路注子午道平帝時王莽通之從杜陵直絕南
 山徑漢中三秦記曰長安正南山名秦嶺谷名子午

郡縣志子午谷在京兆府長安縣南百里王莽
 通子午道因置此關魏遣鍾會統十萬餘眾分
 從斜谷駱谷子午谷趨漢中晉桓温伐秦命司

馬勳出子午道今洋州東二十里曰龍亭此入子午谷之路至谷六百六十里唐廣德二年盜

竄伏南山子午等五谷顏氏曰今京城直南山有谷通梁漢道者各于

午谷北山是子南山是午共為子午道水經注直水北出子午谷巖嶺下蜀志王平

傳若賊分向黃金平率千人下自臨之水經漢

水又東逕小大黃金南注云山有黃金峭水北

對黃金谷有黃金戍傍山依峭嶮折七里氏掠

漢中岨此為戍與鐵城相對一城在上一城

在山下嶮峻故以金鐵名漢中記曰自西城涉

黃金峭寒泉嶺陽都坂類要黃金縣在川東北

百三十里黃金戍在縣西北八十里辯氏曰金房南蔽夔

峽西接梁洋荆梁之間一控扼也國初征蜀嘗由此以襲夔州

白帝永安

通典夔州為蜀重鎮先主敗於夷陵退屯白帝

改為永安其後吳將全琮來襲不克奉節縣有白帝城本

漢魚復縣郡縣志永安宮在奉節縣東七里先主改

卷之十一

魚復爲永安白帝山卽州城所據也與赤甲山
 接初公孫述殿前井有白龍出因號白帝城城
 周迴七里西南二里因江爲池東臨灤溪唯北
 一面小差透逸羊腸數轉然後得上水經江水
 東逕魚復縣故城南注故魚國左傳楚伐庸魚
 人逐之是也巴東郡治白帝山城周迴二百八
 十步北緣馬嶺接赤甲山其平處南北相去八
 十五丈東西十七丈又東傍灤溪卽以爲隍西

南臨大江吳朱績傳密書結蜀使爲并兼之虜

蜀遣閻宇將兵五千增白帝守張氏曰武侯之

治蜀也東屯白帝以備吳南屯夜郎以備蠻北

屯漢中以備魏

後漢注魚復縣故城在今夔州人復縣北赤甲城是西魏改人

復唐更名奉節

八陣圖

郡縣志在夔州奉節縣西七里寰宇記在縣西

南七里荆州圖副云永安宮南一里渚下平積

上周迴四百十八丈中有諸葛武侯八陣圖聚
 細石爲之各高五尺廣十圍歷然碁布縱橫相
 當中間相去九尺正中開南北巷悉廣五尺凡
 六十四聚或爲人散亂及爲夏水所沒冬水退
 復依然如故盛弘之荊州記云壘西聚石爲八
 行魚復縣西聚細石爲壘方可數百步行八聚聚間相去二丈因
 曰八陣旣成自今行師庶不覆敗八陣及壘皆
 圖兵勢行藏之權自後深識者所不能了桓温

伐蜀經之以爲常山蛇勢此蓋意言之

蘇氏曰八行爲

六十水經江又東逕諸葛亮圖壘南薛氏曰圖

之可見者三一在沔陽之高平舊壘

郡縣志在興元府西

縣東南十里武侯壘門石爲圖

一在新都之八陣鄉

郡縣志在成都府新

都縣北十九里寰宇記在縣北三十里彌牟鎮李膺益州記云稚子闕北五里武侯八陣圖土

城四門中起六十四魁八一在魚復永安宮南

江灘水上

洞當中黃龍騰身飛折衝虎翼握機衡陣之法本諸吳方圓牝牡衝方罟

置車輪雁行之制

蔡氏曰八陣有二一在魚復

石磧迄今如故

一在廣都

土壘今已殘破不可考

世傳風后握機文則魚

復圖之注馬隆八陣贊又握機文之注成都圖

經云八陣凡三在夔者六十有四方陣法也在

彌牟者一百二十有八當頭陣法也在碁盤市

者二百五十有六下營法也

南市一名碁盤市武侯陣營基也

興元志西縣亦有之則八陣凡四薛氏曰漢都

肄已有孫吳六十四陳竇憲嘗勒八陣擊匈奴

晉馬隆又用八陳以復涼州陳勰持白虎幡以

武侯遺法教五營士是則武侯之前既有八陳

後亦未嘗亡也今有馬隆握奇圖贊其傳起於

風后嚴從曰武侯所習風后五圖也桓温云是

常山蛇勢徒妄言耳常山蛇者法出孫子謂之

率然蓋高直陣也

水經注沔陽定軍山東名高平是亮宿營處營東即八陣

圖也遺基略在難識殷芸小

說於漢中積石作八陣圖杜牧注孫子云數

起於五而終於八今夔州諸葛武侯以石縱橫

八行布為方陣奇正之出皆生於此奇亦為正

之正正亦爲奇之奇彼此相用循環無窮也諸葛出斜谷以兵少但能正用六數今蓋屋司竹園乃有舊壘司馬以四十萬步騎不敢決戰蓋知其能也通典後魏柔然犯塞刁雍上表採諸葛八陣之法爲平地禦寇之方後周信州舊治白帝陸騰徙之於八陣灘北洪氏曰八陣魁六十有四重易之卦也却月魁二十有四作易之畫也畫起於圓而神故却月之形圓卦定於方

以知故八陣之體方方居前而圓居後卦自畫始方自圓生也壁門直衰曲折翼其傍則陰陽二物握奇則有虛一之象李靖問對太宗曰六花陣法出何術靖曰臣所本諸葛亮八陣法也大陣包小陣大營包小營隅落駒連曲折相對古制如此臣爲圖因之故外畫之方內環之圓是成六花俗所號耳太宗曰內圓外方何謂也靖曰方生於正圓生於奇方所以矩其步圓所

以綴其旋是以步數定於地行綴應於天步定綴齊則變化不亂八陣為六武侯之舊法

魏重鎮

通典魏東自廣陵壽春合肥沔口西陽襄陽重兵以備吳西自隴西南安祁山漢陽陳倉重兵以備

蜀

廣陵

通典今之揚州春秋時屬吳左傳吳城邗溝以

通江淮是也秦屬九江郡漢屬荊國更屬吳景

帝更名江都國武帝更名廣陵國後漢為廣陵

郡魏為重鎮文帝黃初六年征吳幸廣陵故城臨江觀兵見江濤歎曰天所以限

南北也使張遼乘舟與曹休至海陵留遼屯江都嘉平後屬吳孫亮建

使衛尉馮朝城廣陵東晉末以廣陵控扼三齊故青兗二

州刺史皆鎮於此宋兼置南兗州治此北齊曰

東廣州復曰南兗州後周為吳州隋初為揚州

又為江都郡唐初為兗州後改為邗州又改為

揚州秦氏曰凡稱揚州者東漢指歷陽或壽春或曲阿中原自魏至周指壽春或合肥江左自吳至陳指建業或會稽隋唐五代乃指廣陵廣陵在二漢時為吳國江都廣陵國廣陵郡宋為南兖州北齊為東廣州後周為吳州唐初亦為邗州其為揚州自隋始也郡縣志廣陵在江都縣北四里州城正直其上大江西北自六合縣界流入晉祖逖擊穢中流自誓之所南對丹徒

一之京口舊濶四十餘里今濶十八里

城本吳王濞所築嘗

吳魏時廣陵下邳九江江夏四郡邊魏皆與邗為交爭之地合瀆渠在江都縣東二里本吳掘邗溝以通江淮之水路也夫差自廣陵城東南築邗城下掘深溝謂之邗江亦曰刊溝自江東北通謝陽湖今謂之官河亦謂之山陽濁

壽春

水經淮水東流與潁口會東北流逕壽春縣故城西通典壽春郡後漢揚州刺史領郡六治於此魏曰淮南郡仍揚州為重鎮母丘儉諸葛誕

為刺史鎮於此誕城在壽春縣東一里鄧艾行
 陳穎已東至壽春且田且守三國時江淮為戰
 爭之地其間數百里無復人居晉平吳其人各
 還本復立為淮南兼置揚州領郡十八東晉亦
 為重鎮晉伏滔正淮論云壽揚南引汝穎之利
 東連三吳之富吳郡與吳興丹陽為三吳北接梁宋平途不
 過七百西援陳許水陸不出千里外有江湖之
 阻內保淮淝之固龍泉之陂良疇萬頃舒六之

貢利盡蠻越元帝永昌中豫州刺史祖約自譙
 還鎮於此後或治江北或治江南無定所宋義

熙十一年劉義慶又鎮此齊兼置豫州為重鎮

高帝遣垣崇祖鎮壽陽謂曰壽春賊之所衝深為之備魏大將王肅送劉昶兵二十萬掩至敗還高閭曰壽陽盱眙淮陰淮南之本原也永元初守將裴叔業以城

降魏後魏曰揚州梁武普通七年克之置南豫州後

降魏陳大建五年復得壽陽為豫州隋改壽州

壽春縣東晉改壽陽今縣東四十餘里宋殷琰

築四壘於此今安豐軍古壽春也其城築自楚考烈王徙都而經始焉南北剖分爲疆場戰爭之地謝玄肥水之陽却苻秦百萬之師劉仁瞻堅壁自守周世宗攻之三年不能下世宗不能久處淮南蓋仁瞻當其衝會壽州不守不可越之而有淮南唐氏曰自古天下裂爲南北其得失皆在淮南吳不得淮南而鄧艾理之故吳并於晉陳不得淮南而賀若弼理之故陳并於隋

南得淮則足以拒北北得淮則南不得自保矣

南齊志壽春淮南一都之會地方千餘里有陂

田之饒漢魏揚州所治北拒淮水

周氏曰自晉至宋皆以壽

陽爲重魏寇少至則淮泗諸郡堅守以待救援大至則發民而歸壽陽蓋壽陽不陷則魏兵雖深入垂瓠終憂援兵之突至又前有彭城故爲守易齊旣擇人以守壽陽又有胸山在其東故守亦非難郡縣志其地城臨淝水北有八公山在南卽淮水自東晉至今常爲要害之地

合肥

郡國志九江郡合肥縣

後漢注故城在今廬州北

郡縣志廬

州本廬子國春秋舒國之地漢分淮南置廬江郡後漢廬江在皖建安中曹公謂劉馥可任以東南之事以為揚州刺史單馬造合肥空城建立州治合肥縣西二里故城是也建安二年張遼守之孫權帥十萬師攻圍遼以八百人破之明帝青龍元年滿寵都督揚州諸軍鎮於此請於合肥縣西北三十里立新城

表曰合肥城南臨江湖北達壽

春賊攻圍之得據水為勢官軍救之尚先破賊大軍然後圍乃得解賊往甚易兵救甚難宜移

城西三十里有奇險可依立城固守權自出欲此為引賊平地而倚其歸路從之

圍新城以其遠水積二十日不敢下船乃上岸

曜兵明年又至新城無功而還諸葛恪圍城亦

不克魏明帝云先帝東置合肥南守襄陽西固

祁山賊來輒破於三城之下地有所必爭也合

肥晉亦為重鎮

梁改合州隋改廬州

合肥縣本漢舊縣淮

水與肥水合故曰合肥

應劭曰夏水出父城東南至此與淮合乾道新

城記云魏築二壘於白渡港亦號合肥城非今州城也合肥志云新城在合肥縣西北之新城

鄉何承天曰曹孫之霸才均智侔江淮之間不
居者數百里魏捨合肥退保新城吳城江陵移
入南岸濡須之戍家停羨溪王基傳孫權再至
合肥一至江夏其後全琮出廬江朱然寇襄陽
皆無功而還

沔口

文聘傳與夏侯尚圍江陵使聘別屯沔口止石
梵自當一隊孫權以五萬衆自圍聘於石陽聘
堅守不動追擊破之通典沔口建安十五年文
聘爲江夏太守鎮焉吳軍屢攻不拔魏初有之

青龍後屬吳卽今漢陽郡輿地廣記漢陽軍漢

陽縣本安陸縣地漢屬江夏東晉置沔陽縣隋

置漢津縣屬復州改曰漢陽唐屬沔州廢屬鄂

州周置漢陽軍漢入江處謂之沔口漢末魏及

吳人皆以爲重鎮

吳嘉禾三年陸遜諸葛瑾屯江夏沔口

晉陶侃

傳王貢擊侃督護鄭攀於沔陽又敗朱伺於沔

口齊張冲傳梁王出沔口圍魯山城郡縣志魯

山一名大別山在漢陽縣東北一百步山前枕

蜀江北帶漢水漢水一名沔水西自汶川縣界

流入禹貢漢至大別南入于江蔡水經注魯山氏曰大別入江在今漢陽縣

左即沔水口沔左有却月城荆州記沔陽縣至沔口水北有却月

城沙羨縣治也黃祖所守祖橫兩蒙衝挾守沔口郡縣志

却月故城在漢陽縣北三里周回一里八黃祖

所守處漢陽圖經云梁武帝築漢口城以守魯山三國以前多稱漢而不言沔三國以

後多稱沔而不言漢漢沔一水南都賦注曰漢水源出隴西經武都至武關山歷南陽界出沔

江入

西陽 石陽

郡縣志黃州魏為重鎮黃初中吳先揚言欲攻

江北豫州刺史滿寵度其必襲西陽先為之備

孫權聞之退還西陽故城在黃岡縣東南一百

三十里輿地廣記黃岡本漢西陵縣地漢縣屬江夏晉為西陽

安郡隋置黃州光州光山縣本漢西陽縣寰宇記故西陽城在光州出山縣西二十里石

陽故城在黃陂縣西二十三里吳征江夏圍石

陽不克而還即此黃陂縣劉表為荆州刺史以

此地當江漢之口懼吳侵軼使黃祖於此築城

鎮遏因名黃城鎮後周置黃陂縣白沙關西至大關六

十里在黃州西二百四十里北至光州界二十

五里大活關東北至光州二百八里西至安州

澧山關一百里在縣北二百里穆陵唐志作木陵關

在麻城縣西北八十八里在穆陵山上陰山關北至

光州殷城縣省入固始二百里在州東北二百十里

水經江水左逕赤鼻山南又東逕西陽郡南江

東逕積布山南即西陽尋陽二郡界也蘄州廣濟縣有積布山晉志魏文分汝南立弋陽郡治西陽今光州光山縣晉為弋陽郡治黃州黃岡縣晉屬弋陽郡寰宇記晉永嘉後始移西陽置故邾城上流五里

襄陽

郡縣志襄州荆豫二州之域於周諸國則穀鄧

鄆盧羅若之地秦兼天下自漢以北為南陽郡

今鄧州漢以南為南郡今荆州後漢建安十三年魏

武平荆州置襄陽郡自赤壁之敗魏失江陵而

荆州都督治無常處吳將諸葛瑾陸遜皆數入

其境自羊公鎮襄陽吳不復入東晉僭立南雍

州西魏改襄州因襄陽去江陵陸道五百里勢

同輔車無襄陽則江陵受敵自東晉庾翼為荆

州刺史將事北伐遂鎮襄陽北接宛洛跨對樊

沔為荆郢之北門代為重鎮襄陽縣本漢舊縣

屬南郡在襄水之陽揚豫都督王昶言今屯宛

去襄陽三百餘里有急不足相赴遂徙屯新野

今鄧州穰縣司馬懿曰襄陽水陸之衝禦寇要地不可失也 通典魏徐晃守

之蜀將關羽攻不下關羽攻樊城遣別將圍襄陽晉庾亮曰襄陽北接宛

許南阻漢水庾翼曰襄陽荆楚之舊西接益梁與關隴指斥北去洛河不盈千里土沃田良方

城險峻水路流通轉運無滯進可以掃盪秦趙退可以保據上流水經注城北枕沔水即襄陽

縣之故城 胡氏曰襄陽上流門戶北通汝洛西帶秦

蜀南遮湖廣東瞰吳越欲退守江左則襄陽不

如建鄴欲進圖中原則建鄴不如襄陽欲禦強

寇則建鄴襄陽乃左右臂也後漢郡國志注荆州記曰襄陽舊楚

之北津從襄陽渡江經南陽出方關是周鄭晉
衛之道其東津經江夏出平輦關是通陳蔡齊
宋之道

樊

郡縣志襄州臨漢縣本漢鄧縣古樊城仲山甫
之國也縣城南臨漢水魏曹仁處樊蜀將關羽
圍樊會漢水暴長羽以舟師攻之故鄧城在縣
東北二十二里鄧塞故城在縣東南二十二里
南臨宛水阻一小山號曰鄧塞魏常於此治舟

艦以伐吳陸士衡表稱下江漢之卒浮鄧塞之
舟謂此也輿地廣記襄陽府鄧城縣後置樊城

縣後周省唐改安養曰臨漢復改鄧城有樊城

鎮曹操救樊駐軍摩陂摩陂在潁川邾縣今潁
昌府邾縣魏明帝改陂曰龍陂城曰龍城

沮中

吳志赤烏四年朱然圍樊諸葛瑾取沮中朱然

傳赤烏五年征沮中注襄陽記曰沮中在上黃

界上黃縣宋初屬襄陽去襄陽一百五十里魏時夷王梅

敷兄弟部曲萬餘家屯此分布在中廬宜城西

山隲沔二谷中土地平敞宜桑麻有水陸良田

沔南之膏腴沃壤謂之祖中九年復征祖中音租

郡縣志祖山在襄州南漳縣漢臨沮縣東北一百八

里朱然諸葛瑾從沮中乘山險道北出祖中去

襄陽城百五十里蓋以地山相近因名或云司

馬宣王鑿八疊山開路於此停租通典南漳縣有地名祖中

吳朱然屯處宋何承天曰襄陽之屯民居星散晉宣

王謂宜徙沔南以實水北曹爽不用果亡沮中

沮中即今襄陽南沮水左右地理志房陵東山沮水所出至郢入江水經注枝江縣舊治沮

中後移出鄭獬襄州宜城縣木渠記曰木渠襄

沔舊記所謂木里溝者也出於中廬之西山擁

隲水走東南四十五里徑宜城之東北而入于

沔後漢王寵守南郡復鑿蠻水與之合於是溉

田六千餘頃至曹魏時夷王梅敷弟兄於其地

聚民萬餘家據而食之謂之祖中故當時號祖

中為天下膏腴吳將朱然嘗兩提精兵爭其地
不得

隴西 南安

晉志隴西郡治襄武

唐渭州縣

南安郡治獮道

唐渭州隴

西水經注獮道獮戎邑也漢靈帝別為南陽郡

通典渭州秦置隴西郡以居隴坻之西為名漢

分立南安郡魏置鎮守在此鄧艾曰狄道隴西

南安祁山各當有守彼專為一我分為四

隴西縣漢

獮道地立南安郡於此隋改為縣輿地廣記
州隴西縣本襄武縣地舊有隴西縣在襄武之
東置南安
郡後廢

狄道

通典蘭州魏為重鎮蜀將姜維攻狄道不克狄

道縣秦漢舊縣宋熙寧五年置熙州

漢陽

晉志天水郡漢明改漢陽治上邽通典涼州領

郡十治於此魏為重鎮晉分為天水及武陽兩

郡兼置秦州領郡六治於此唐為秦州秦國始封之邑

今郡有秦亭秦國是也諸葛武侯云率益州之衆出秦川謂此

段谷

通典秦州上邽縣有段谷水姜維為鄧艾破於此水經注藉水又東合段溪水出西南馬門溪東北流蘇氏曰鄧艾繼兵於蜀中非劉禪之庸則百萬之師可以坐縛

斜谷

魏曹真以漢人數入請由斜谷伐之詔司馬懿泝漢水由西城與真會漢中諸將或欲由子午谷或欲由武威陳羣諫曰斜谷阻險轉運有鈔截之虞漢志右扶風武功縣斜水出衙領山北至郿入渭續漢志武功縣今郿縣也有斜谷注西征賦注曰褒斜谷在長安西南南口褒北口斜百七十里其水南流西都賦右界褒斜注梁州記曰萬石城泝漢上七里有褒谷南口曰褒北口

曰斜長四百七十里水經渭水東逕武功縣北

注渭水於縣斜水自南注之水出縣西南衙領

山北歷斜谷逕五丈原東郡縣志鳳翔府郿縣

城亦曰斜城城南當斜谷因以為名五丈原在郿縣西南

二十里

陳倉

水經注陳倉縣有陳倉山在縣南山上有寶雞

祠今鳳翔府寶雞縣也榮氏開山圖注伏羲徙治陳倉

倉水出陳倉山下東南流注于渭水又東與陽

溪合上承斜水自斜谷分注綏陽溪北屆陳倉

入渭諸葛武侯與兄瑾書曰有綏陽小谷雖山

崖絕重溪水縱橫難用行軍者邏候往來要道

通人今使前軍砍治此道以向陳倉足以拔連

賊勢使不得分兵東行郡縣志陳倉城魏太和

中將軍郝昭所築武侯進兵攻距二十餘日引

去今城有上下二城相連上城是秦文公築下

城是郝昭築

水經注今溝水對城是與昭相禦處

通典今縣東二

十里故城是

三交城在寶雞縣四十六里司馬懿與武侯相距所築西京賦陳寶

鳴雞在焉三秦記太白山南有陳倉山

祁山

郡縣志祁山在成周長道縣東十里

長道熙寧六年屬岷

州今西和州

漢水逕其南有諸葛武侯壘壘之左右

猶有豐草蓋武侯所植也

本漢上祿縣地

水經注祁山

在嶓冢之西七十許里山上有城極為嚴固漢

水逕其南城南三里有武侯故壘壘之左右猶

豐茂宿草蓋武侯所植也在上邽西南二百四

十里開山圖曰漢陽西南有祁山九州之名岨

武侯表言祁山去沮五百有民萬戶魏牽招傳

孔明在祁山遣使連結軻比能比能至故北地

石城與相首尾郡縣志木馬山在利州景谷縣

西南二十五里諸葛武侯出祁山木牛流馬於

此造作因以名之

六合掌運圖祁山堡在西和州長道鎮圖經云祁山去秦

之天水縣三十里山圍六七里高數十丈

黎陽

漢屬魏郡水經注黎侯國也晉灼曰黎山在其南河水逕其東今黎山東北有縣故城山在城西城憑山咀河本屬衛州端拱元年建通利軍後為濬州有黎陽山大伾也寰宇記以為黎侯寓衛居之故縣得名述征記黎陽城西袁譚城城南又有一城曹公攻譚所築

杜牧曰黎陽距白馬津三十里

輿地廣記開德府臨河縣漢黎陽縣地隋析黎陽置五代屬澶州

官渡

郡國志滎陽有鴻溝水文穎曰於滎陽下引河東南為鴻溝即官度水也後漢注官度即古之鴻溝在今鄭州中牟縣

今屬開封府 北官度口是也

水經注萑蕩渠左逕陽武縣故城南東為官渡水又逕曹公壘北有高臺謂之官渡臺在中牟城北世又謂中牟臺袁紹臨官渡起土山地道

以逼壘公亦起高臺以捍之即中牟臺也今臺

北土山猶在山之東紹舊營遺基並存郡縣志官渡臺

亦名曹公臺在中牟縣北十二里裴松之北征記曰中牟臺下臨汴水是為官度袁曹壘尚存

白馬

後漢注縣屬東郡今滑州白馬縣也故城在今

縣東括地志白馬故城在滑州衛南縣西南二十四里白馬山在縣東

北三十四里津與縣取此山為名水經注黎陽

東岸有故城竹書紀年梁取枳道與鄭鹿鄭鹿

即是城也今城內有故臺謂之鹿鳴臺又謂鹿

鳴城郡縣志在白馬縣北三十里王玄謨自滑臺走鹿鳴亦曰鹿鳴津又

曰白馬濟津之東南有白馬城衛文公東徙渡

河都之故濟取名焉袁紹攻劉延於白馬即此

處寰宇志黎陽縣滑州東黎陽津一名白馬津澶

州臨河縣有白馬城郡縣志白馬故關在衛州

黎陽縣東一里五步白馬津即此地後改名黎陽津此白馬津之北岸慕

容德徙滑臺至黎陽津冰合夜濟改為天橋津
高齊移石濟關於此造橋改名白馬關周世宗
北征命學士為文祭白馬祠秉筆者疑其所出
訪於尹拙拙歷數郡國祠白馬者凡十餘處

延津

左傳注陳留酸棗縣北有延津郡國志注酸棗

即鄭廩延之地水經河水東至酸棗縣西濮水

東出焉河水又東北通謂之延津注石勒號又為靈昌津

右逕滑臺城注城即鄭廩延邑下有延津春秋傳孔悝載伯姬于平陽行于延津

是也廩延南故城即衛之平郡縣志延津在衛

州衛縣西二十六里曹公遣于禁度河守延津

即此地延津即靈昌津也在滑州靈昌縣東北

二十二里左傳廩延曹公北救劉延至延津皆

此津也輿地廣記開封府酸棗縣有延津唐志衛州新鄉縣東南有故延津關衛縣熙

寧六年省為鎮入黎陽新鄉省為鎮入汲縣晉

載記石勒赴金墉濟自大場先是流漸風猛軍

至冰泮清和勒以為神靈之助命曰靈昌津

潼關

郡縣志在華州華陰縣東北三十九里古桃林

塞也左傳晉使詹嘉處瑕以守桃林之塞注云華陰縣東潼關關西一里有

潼水因以名關又云河在關內南流衝激關山

因謂衝關水經注潼激關山因謂潼關按秦函谷關在漢弘

農縣即靈寶縣陝州西南十二里故關是也今大

路在北本非衿束之要漢武元鼎三年楊僕為

樓船將軍本宜陽人今福昌縣恥居關外請以家僮

七百人徙關於新安帝從之即新安縣河南府東

一里函谷故關是也初平二年董卓脅獻帝西

幸長安出函谷關自此已前其關並在新安至

建安十六年曹公破馬超於潼關是中間徙於

今所通典云國之巨防史官闕載今歷二處而至河潼上躋

高隅俯視洪流盤紆峻極實謂天險河之北岸

則風陵津北至蒲關六十餘里河山之險邈迤

相接自此西望川途曠然蓋神明之奧區帝宅

之戶牖通典本名衝關河自龍門南流衝激華山東故以為名黃巷坂在

虢州閿鄉縣西北二十五里即潼關路也水經

注河水自潼關東北流水側有長坂謂之黃巷

坂東出通謂之函谷關岸高道隘車不得方軌

魏武征韓遂馬超連兵此地今河之西有曹公

壘潘岳西征賦遡黃巷以濟潼灌水注之北流逕通谷亦謂通

谷水東北注于河述征記所謂潼谷水或說因水以名呂氏曰安祿山黃巢之入長安因潼關

失書放牛桃林之野注云在華山東山海經夸父之山其

北林名曰桃林廣圍三百里三秦記桃林塞在長安東四百

里西京賦注桃林在闕鄉南谷中晉地道記漢弘農函谷關有

桃林寰宇記自陝州靈寶縣已西至潼關皆其

也隋置桃林縣唐更名靈寶縣西南境即古桃林之野今攷古函谷關在

陝州靈寶縣西南潼關在華州華陰縣自潼關

至函谷歷陝華二州之地俱謂之桃林塞蘇氏

曰曹公既滅二袁呂布劉表欲遂取江東而不

克既破馬超韓遂欲并舉巴蜀而不果

滎陽汴水

地理志汴水在滎陽縣西南水經汴水出陰溝

于浚儀縣北注陰溝卽浪蕩渠也汭受旃然水
丹泌亂流于武德絕河南入滎陽合汭南豐曾
氏曰昔禹于滎澤下分大河爲陰溝出之淮泗
至浚儀西北復分二渠其後或曰鴻溝始皇疏
之以灌魏郡者是也或曰浪宕渠自滎陽五池
口來往鴻溝者是也或曰浚儀渠漢明帝時循
河流故瀆作渠渠成流注浚儀者是也或曰石
門渠靈帝時於敖城西北累石爲門以遏渠口

者是也石門渠東合濟水與河渠東注至敖山
之北而兼汴水又東至滎陽之北而旃然之水
東流入汴滎陽之西有廣武二城汴水自二城
間小澗中東流而出濟水至此乃絕桓温將通
之而不果者晉大和之中也劉裕浚之始有湍
流奔注而岸善潰塞裕更疏鑿以漕運者義熙
之間也皇甫誼發河南丁夫百萬開之起滎澤
入淮千有餘里更名之曰通濟渠者隋大業之

初也裴耀卿言江南租船自淮南北泝鴻溝轉相輸納於河陰含嘉太原等倉凡三年運米七百萬石者唐開元之際也後世因其利焉太宗嘗命張洎論著其興鑿漕運之本末如此宋至道之間也蘇氏曰自淮泗入河必道於汴世謂隋煬帝始通汴入泗禹時無此水道以疑禹貢之言此特學者考之不詳禹貢九州之末皆記入河水道而淮泗獨不能入河帝都所在理不

應爾意其必開此道以通之其後或為鴻溝或為官渡或為汴上下百餘里間不可必知然皆引河水而注之淮泗也晉王濬伐吳杜預與之書曰自江入淮逾於泗汴泝河而上振旅還都王濬舟師之盛古今絕倫而自汴泝河可以班師則汴水之大小當不減於今又足以見秦漢

魏晉皆有此水道非煬帝創開也

薛氏曰禹貢揚州貢路自

江順流入海又自淮泗入河泝泝入河傳謂吳王夫差始通邗溝以禹貢考之淮南虞夏之間

無水道也易氏曰揚之貢在北者可徑達淮泗
在南者邗溝未開無道入淮必沿江海以達淮
泗至淮泗則與徐後山陳氏曰漢末河入于汜
州同貢以達于河

卽汴灌注兗豫永平中導汜自滎陽別而東北

至千乘入于海而河於是故瀆在新渠之南水

經注所謂絕河而受索自此始隋開皇中因漢

之舊導河于汜大業初合河索爲通濟渠別而

東南入于淮而故道竭今于畿爲白溝於宋爲

沙於單爲石梁於徐爲汜而入於南清

南清故泗也

郡縣志汴渠在河南府河陰縣南二百五十步

本漢滎陽縣地卽古蕘蕩渠河九域志汴水古

通濟渠也郡縣志汴州浚儀縣琵琶溝水西自中牟縣界流入通濟渠隋煬帝欲幸

江都自大梁城西南鑿渠引汴水卽蕘宕渠也

故市 烏巢

袁氏輜重萬餘乘在故市烏巢郡縣志故市城

在鄭州管城縣西北三十里晉地理志烏巢在

酸棗縣東南水經濟瀆東逕酸棗縣之烏巢澤

北注澤在酸棗之東南

酸棗本秦舊縣屬陳留郡隋開皇十六年屬滑

州今屬開封府

鄧塞

郡縣志鄧塞故城在襄州臨漢縣

本漢鄧縣地今鄧城縣

東南二十二里南臨宛水阻一小山號曰鄧塞

昔孫文臺破黃祖於此山下魏常於此裝治舟

艦以伐吳陸士衡表稱下江漢之卒浮鄧塞之

舟謂此也

故鄧城在縣東北二十二里

今按陸士衡辯亡論

魏氏浮鄧塞之舟下漢陰之衆

注水經注曰鄧塞者即鄧城東

北小山因之以爲鄧塞漢陰漢水之南也莊子曰子貢南遊于楚過漢陰九域志穀城縣有鄧

塞鎮

蘇氏曰項籍有取天下之才而無取天下之慮

曹操有取天下之慮而無取天下之量劉備有

取天下之量而無取天下之才三人者終其身

無成焉

通鑑地理通釋卷之十二

三國形勢攷下

吳之亡雖後於蜀而其亡國之兆已在於蜀亡之時蓋吳居東蜀居西東西之勢相爲唇齒孫權之與昭烈氣雖不相下而實相資故權以荊州借蜀而蜀亦結好於權終老瞞之生不敢窺吳蜀惜乎昭烈纔得荊州而孫權卽擒關羽其後魏師之入蜀不能求救於吳而吳亦坐視蜀之亡徘徊於壽

春沔中而莫能勇於救蜀是以蜀亡而吳亦從之

吳重鎮 十鎮

通典吳以建平西陵樂鄉南郡巴丘夏口武昌皖

城牛渚圻濡須塢並為重鎮郡縣志十鎮其後得

沔口邾城廣陵胡文定公設險論曰地有常險則

守亦有常勢當孫氏時上流爭襄陽而不得故以

良將守南郡與夷陵下流爭淮南而不得故以大

眾築東興與皖口中流爭安陸而不得故以三萬

勁卒戍邾城

建平

通典歸州漢屬南郡吳置建平郡在秭歸縣以為重

鎮其地險固晉王濬自蜀沿流伐吳吳守將吾

彥請建平增兵若建平不下晉師終不敢過即

秭歸縣界太清鎮在縣東南八十五里吳置以

備蜀號吳城居三峽要衝塞山蠻之路隋於此

置鎮楚熊繹初都丹陽今縣東南七里故城是也古夔子國城在郡東二十里陸抗

曰西陵建平國之蕃表既處下流受敵二境晉

志蜀分南郡立宜都郡後屬吳孫休分宜都立

建平郡水經注宜都郡治在夷道縣東四百步故城陸遜所築為二江之會

西陵 峽口

通典峽州楚夷陵漢屬南郡魏武置臨江郡蜀

改為宜都吳黃武元年破蜀改夷陵為西陵常

為重鎮陸遜曰夷陵要害國之關限若失之則

荊州可憂陸抗曰西陵國之西門唐為峽州扼

三峽之口西通蜀江

夷陵縣有夷山故城在縣西北吳之西陵晉復改為

夷陵巴山縣古扞關楚王南拒蜀處宜都縣有荆門虎牙二山狼尾灘

輿地廣記

郡城陸抗所築郡縣志陸遜為宜都守鎮此蜀

來伐大破之後陸抗鎮焉西陵峽山在夷陵西

北二十五里陸遜破蜀還屯夷陵守峽口以備

蜀即此荊州記曰自縣泝江二十里入峽口名

為西陵峽長二十里層巖萬仞所謂三峽即其

一也或曰巴東自有三峽此即峽口也州城陵

抗之壘也水經注夷水逕宜都北東入大江江水東逕黃牛山又東逕西陵峽又東逕陸抗故城北注云宜都記曰自黃牛灘東入西陵界至峽口百許里山水紆曲

三峽廣溪峽巫峽西陵峽也廣溪為三峽之首昔禹鑿以通江所謂巴東之峽東至西陵七百里巫峽因山為名瞿塘峽在夔州奉節縣東三里不在三峽之數自三峽七百里中兩岸連山略無闕處重巖疊障隱天蔽日吳紀涉曰自西陵以至江都五千七百里疆界雖遠其險要必爭之地不過數四胡文定公曰湖北要

會在荆峽故劉表時軍資寓江陵先主時重屯油江口關羽孫權則併力爭南郡陸抗父子則協規守宜都晉大司馬溫及其弟沖則保據渚宮與上明此皆荆峽封境也

辨亡論陸公以備師三萬北拒東坑注東坑在西陵步闡城東北長十餘里陸抗所築之城在東坑上當闡城之北其迹並存荆州圖記夷陵縣南對岸有陸抗故城周迴十里三百四十步即山為墉四面天險

樂鄉

通典樂鄉城在江陵府松滋縣東七十里吳建

衡三年陸抗所築後朱然修之戍焉然子績爲
 樂鄉督陸抗傳永安二年都督西陵建衡二年
 都督信陵西陵夷道樂鄉公安諸軍事治樂鄉
 晉庾翼請據樂鄉廣農穡穀以伺二寇之釁王
 述曰彼去武昌千有餘里江渚有虞不相接救
 水經江水又逕孱陵縣之樂鄉城北注云陸抗所築通典馬頭故戍城在
 公安縣西北六十里陸抗所屯以北對江津與
 羊祜相拒水經注江津或南對馬頭岸

南郡

通典今江陵府吳將張咸伍延守之郡縣志

克荆州呂蒙及朱然陸遜相繼守之晉平吳改

爲南平郡治江安今公安縣尋復爲南郡羊祜杜預

繼治荆州或鎮襄陽或鎮江陵東晉王忱始於

江陵營城府此後常以江陵爲州治唐上元元

年改荆州爲江陵府自東晉以後居建業以揚

州爲京師根本荆州爲上流重鎮比周之分陝

焉渚宮楚別宮今州所治卽其地何承天曰吳城江陵移入南岸周瑜領南郡太守屯據江陵南齊州郡志漢中平末荊州刺史王睿始治江陵吳時西陵督鎮之晉平吳以爲刺史治陶侃爲刺史治沌口王敦治武昌其後或還江陵或在夏口桓溫平蜀治江陵桓沖避居上明頓陸遜樂鄉城上四十餘里以接近三峽無西疆之虞故重戍江南經成江北後復得襄陽太元十

四年王忱還江陵

江陵去襄陽步道五百勢同唇齒

江左大值

莫過荆揚

稱荊州爲陝西

胡氏曰孫皓之季慮不及遠

徹南郡之備專意下流於是杜預王濬一舉取

之

何充謂荆楚國之西門得之則中原可定失人則社稷可憂宋武帝以荊州居上流之重

資實兵甲居朝廷之半故以諸子居之不以屬人水經注秦以漢南地置南郡周書曰南國名也南氏有二臣爭權君弗能制南氏用分爲二南國按韓嬰敘詩云其地在南郡南陽之間呂氏春秋所謂禹自塗山南省南土是郡取名焉

巴丘

通典今岳州吳為重鎮魯肅萬或屯於此東晉

使陶侃鎮守郡縣志岳州巴陵縣本漢下雋縣

之巴丘地下雋屬長沙故城吳初巴丘置大屯

戍使魯肅守之蜀志曰西增白帝之兵東益巴

丘之戍巴陵城對三江口岷江為西江澧江為中江湘江為南江

巴丘湖又名青草湖在縣南七十九里周迴二百六十

五里俗云即古雲夢澤水經注巴丘山在湘水右岸山有

巴陵故城本吳之巴丘邱閣城也晉立巴陵縣

於此宋立巴陵郡陶侃以江陵偏遠移鎮巴陵

夏口

南齊志夏口吳置督將為魯口屯對魯山岸因

為名晉永嘉中荊州刺史山簡自襄陽奔夏口

庾翼為荊州治夏口並依地嶮也太元中桓沖

移鎮上明上表言江州刺史桓嗣宜進屯夏口

據上下之中於事為便義熙元年劉毅以為夏

口二州之中地居形要控接湘川邊帶滄沔請

荆州刺史劉道規鎮夏口六年自臨鄣徙治夏

口城據黃鵠磯邊江峻險樓櫓高危瞰臨沔漢

郡縣志鄂州春秋時謂之夏汭漢為沙羨之東

境吳錄黃祖為江夏太守始於沙羨置屯自後漢末謂之夏口亦

名魯口為吳之要害常以重兵鎮之周瑜請精兵進住夏

魏司馬懿曰夏口東關敵之心喉東晉孝武

時桓石仁屯守宋孝武分荆湘江三州之八郡

為郢州以分上流之勢鎮江口隋平陳改為鄂州

州城本夏口城吳黃武二年城江夏以安屯

地也城西臨大江西角因磯為樓名黃鶴樓

魯淑為夏口督晉地理志沙羨有夏口對沔口

有津吳志赤烏二年城沙羨江夏縣本漢沙羨縣地括地

志漢水始欲出大江為夏口又為沔口輿地廣

記按水經注夏水本江之別出自江陵縣東南

流又東過華容縣南今石首縣又東至雲杜縣今復州沔

縣陽入沔謂之賭口冬竭夏流故曰夏水自賭口

下沔水通兼夏口而南至魯山下會于江在今江夏縣西通典建安十三年孫權克黃祖後置兵鎮即今鄂州水經沔水南至江夏沙羨縣北南入于江注庾仲雍曰夏口一曰沔口江水東至華容縣西夏水出焉注船官浦東即黃鵠山東北對夏口城孫權所築也依山傍江對岸則入沔津故城以夏口為名亦沙羨縣治

按水北曰沔則夏沔者江北之夏口左傳注漢水曲入江處 何尚之云夏口在荆江

之中正對沔口後漢劉表傳注夏口即今鄂州宋元徽元年夏口闕鎮以其地居尋陽上流欲使腹心居之齊劉懷珍曰夏口兵衝要地宜得其人薛氏曰夏口南臨大山三方阻水漢陽以北限隔陂湖虜出上蔡則武昌夏口當其衝

陸口

魯肅呂蒙屯陸口

陸遜代蒙至陸口呂岱還陸口

在鄂州蒲圻

縣南寰宇記云即陸溪口也

魯肅為漢昌太守漢昌岳州平江縣

吳曰水經注練浦東合練口江浦也南直練洲

吳昌江之右岸得蒲磯口即陸口也水出下雋縣西

三山溪其水東逕陸城北又逕下雋縣北北對

金城吳將陸渙所屯也陸水又入蒲圻縣北逕

呂蒙城西昔孫權征長沙零桂所鎮也陸水右

逕蒲磯山北入大江北對蒲圻洲即蒲圻縣治

也白沙口一名沙屯南直蒲圻洲水北入百餘

里吳所屯也建安十九年孫權遣呂蒙取長沙零陵桂陽三郡使魯肅屯巴丘以

禦關羽權任陸郡縣志呂蒙城在鄂州蒲圻

西南八十里定荊州於此鎮守本沙羨地吳分立蒲圻縣本屬

長沙郡隋屬鄂州

武昌

通典建安二十五年吳城武昌陸遜諸葛恪

牧鎮守今鄂州武昌縣東晉謝尚庾翼屯守於

此郡縣志武昌縣舊名鄂本楚熊渠封中子紆於此稱王楚辭乘鄂

渚而漢以為縣屬江夏郡吳以下雋尋陽陽新

柴桑沙羨武昌六縣為武昌郡黃武初自建業

徙都

還都建業

故都城在縣東一里餘本漢將灌嬰

所築晉陶侃溫嶠桓溫為刺史並治其地

嘉定十五

年以武昌縣置壽昌軍

晉志武昌郡領縣七有沙羨鄂武

昌三縣

沙羨今鄂州也武昌故東鄂今州東北八十里武昌山在縣南百九十里鄂縣

有新興鐵官蓋東近興國軍界非今之鄂州也宋志江夏郡治夏口而鄂縣隸武昌郡吳改鄂

為武昌晉太康元年復立鄂縣而武昌如故隋廢鄂縣入武昌

水經注孫權改

鄂曰武昌鄂縣徙治於袁山東又立為江夏郡

分建業之民千家以益之黃龍元年權遷都建

業以陸遜輔太子鎮武昌孫皓亦都之皓還東

令滕牧守之晉永平中始置江州傅綜為刺史

治此城後庾亮之所鎮也今武昌郡治城南有

袁山即樊山也晉王述曰武昌實是江東鎮戍

之中非但扞禦上流而已急緩赴告駿奔不難

晉伐吳使王戎襲武昌

薛氏曰武昌乃吳建都而王陶溫

庾之所為督府者其地襟帶江沔依阻湖山左

控廬淝右連襄漢南北二塗有如繩直胡人南
牧嘗出此以襲豫章張魏公曰鄂州城東通武
昌樊口昔孫權移都武昌以拒魏師渡江而西
接連川陝中原聲援絡繹可通

下雉 陽新

下雉漢屬江夏伍被謂淮南王安曰守下雉之
城絕豫章之口郡縣志下雉故縣在永興縣東
南一百四十里永興本鄂縣陽新吳分鄂縣立隋開皇九

年改富川十八年水經注江之右岸富水注之

水出陽新縣之青湓山

淮南李神福曰永興大縣饋運所仰

尋陽 柴桑

尋陽漢屬廬江通典漢舊縣在江北蘄州界晉
溫嶠移於江州柴桑漢屬豫章晉志有湓口關
隋廢改名湓城唐復改尋陽通典尋陽縣南楚
城驛卽舊柴桑縣也郡縣志柴桑故城在江州
潯陽縣今德化縣西南二十里

皖城 皖口

郡縣志舒州今安慶府春秋時皖國咎繇之後漢為皖縣

屬廬江三國初屬魏孫權征皖克之按吳志孫策與周瑜

襲皖城克之後為重鎮令諸葛恪屯戍之曹公恐江濱郡縣為

權所略令內移民轉相驚自廬江九江蕪春廣

陵戶十餘萬皆東渡江江西遂虛合肥以南惟

有皖城建安十九年權征皖城克之正始二年

權遣恪屯皖城以伺邊隙四年司馬懿攻皖恪

退屯柴桑懷寧縣本漢皖縣皖山在縣西十里皖水

西北自壽州霍山縣流經縣北二里又東南流

二百四十里入大江謂之皖口九域志懷寧縣有皖口鎮吳

塘陂在縣西二十里皖水所注曹公遣朱光為

廬江太守屯皖大開稻田呂蒙言皖地肥美若

一收熟彼眾必增於是征皖破之此塘即朱光所開也薛氏

曰吳陂堰皖水朱光呂蒙所爭皖屯也晉咸寧四年吳人大佃皖城王渾遣應綽破之同安志

城居皖水之北遂號皖城諸葛恪傳乞率眾佃廬江皖口因輕兵襲舒

牛渚圻

郡國志秣陵南有牛渚孫策攻劉繇牛渚營周

瑜出備牛渚通典當塗縣今太有牛渚圻亦謂

之採石輿地志牛渚山北謂之採石吳為重鎮孫皓時以何

植為牛渚督晉師來伐遣王渾向牛渚郡縣志當塗縣本漢

丹陽縣地當塗本屬九江故城在濠州鍾離縣西十七里塗山在壽春縣東北以塗

山為邑名晉分丹陽置於湖縣成帝時以江北當塗縣流人過江在於湖者僑立當塗縣牛

渚山在縣北三十五里山突出江中謂之牛渚圻津渡處也秦始皇東

巡會稽道由丹陽至錢塘即從此渡也晉謝尚鎮於此採石戍在

縣西北三十五里西接烏江北連建業城在牛

渚山上與和州橫江渡相對隋師伐陳賀若弼

從此渡隋平陳置貞觀初改鎮為戍博望山在縣西三十五

里與和州對岸江西岸曰梁山在歷陽縣南七

十里兩山相望如門俗謂天門山山上皆有却月城宋王玄

謨所築六代於此屯兵扞禦王濬伐吳宿于牛渚部分明日前至

三水經注牛渚在姑孰烏江兩縣界中西採石在和州

歷陽縣東二十里胡氏曰昔人謂大江天所以限南北

而陸抗乃曰此守國末務非智者所先何也杜

預嘗襲樂鄉矣胡奮嘗入夏口矣賀若弼嘗濟廣陵矣曹彬嘗渡采石矣則其險信未足恃也雖未足恃然魏武困於居巢曹丕困于濡須拓跋困于瓜洲苻堅困於淝水皆不得渡則其險亦未可弃也設險以得人爲本保險以智計爲先人勝險爲上險勝人爲下人與險均纔得中策張氏曰前世南北戰爭之際魏軍嘗至瓜步矣石季龍掠騎嘗至歷陽矣石勒寇豫州至江

而還此皆限於江而不得騁者也周瑜謂捨鞍馬事舟楫非彼所長赤壁之役果有成功至於羊祜之言則以南人所長惟在水戰一入其境長江非復所用有如瑜者爲用則祜之言謂之不然可也無如瑜者爲用則祜之言不可不察也州縣一也有最爲要害者津渡一也有最宜備豫者苻堅自項城來壽陽孫恩自廣陵趨石頭王敦渡竹格蘇峻濟橫江侯景渡采石考前

世盜賊與夫南北用兵由壽陽歷陽來者十之七由橫江采石渡者三之二至於據上流之勢以窺江左者尚未論也吳氏曰大江之南上自荆岳下至常潤不過十郡十郡之間其要不過七渡上流最緊者三荆南之公安石首岳之北津中流最緊者二鄂之武昌太平之采石下流最緊者二建康之宣化鎮江之瓜州葉氏曰瓜州有三太平州之采石渡建康府之馬家渡宣化度采石江濶而險馬家渡江狹而平兩處相

去六十里皆與和州對岸

濡須塢 濡須口

通典和州歷陽縣西南一百八十里有濡須水建安十七年孫權築塢於此以拒曹公周泰朱桓皆為守將二十一年曹公自來攻圍吳黃武二年魏軍又攻不拔郡縣

志濡須塢在和州含山縣西南二百十里濡須

水源出巢縣西今無為軍縣巢湖亦謂之馬尾溝東

流經亞父山又東南流注于江建安十八年曹

公至濡須與孫權相拒月餘權乘輕舟從濡須口入偃月塢在巢縣東南二百八里濡須水口

初呂蒙守濡須聞曹公將來夾水築塢形如偃

月故以為名按濡水與和州含山縣分中流為

界建安中曹公軍居巢孫權在濡須口築城拒守魏又遣曹仁張遼等屯居巢後屬吳朱桓

代周泰為濡須督朱然備大塢及三關屯濡須山在含山縣西南七

十五里與無為軍七寶山對峙中為石梁鑿石

通水山川險阻吳魏必爭之地吳據其北築塢

濡須水即濡須山東關之水也水經注江水自濡須口又東六

會柵口柵水又東南流注于大江謂之柵口水

輿地志柵江口古濡須口也吳魏相持於此吳

築兩城於北岸魏置柵於南岸今柵江裕溪當利三處皆為南

北衝要柵江在歷陽縣西南一百五十里與無為軍分界真氏曰按宋書塢

小障也孫氏之保江左郝城雖小猶屯三萬人自古立國東南以兩淮為根本周

氏曰魏之重鎮在合肥孫氏既夾濡須而立塢

矣又隄東興以遏東湖又堰涂塘以塞北道然

總之不過於合肥巢縣之左右力遏魏人之東
而已魏不能過濡須一步則建鄴可以奠枕故
孫氏之爲守易葉氏曰自古保江必先固淮曹
操不能越濡須苻堅不能出渦口魏太武不能
窺瓜步周世宗不能有壽春皆以我先得淮也
王氏曰三國鼎立南北瓜分之際兩淮間常爲
天下戰場孫仲謀立場濡須曹操先計後戰不
能爭也謝幼度師于淝上苻堅擁衆山立不能

抗也沈璞守一盱眙佛狸傾國南向往復再攻
其城不能下也吳氏曰吳據荆揚盡長江所極
而有之而壽陽合肥蘄春皆爲魏境吳不敢涉
淮以取魏而魏不敢絕江以取吳蓋其輕重強
弱足以相攻拒也故魏人攻濡須吳必傾國以
爭之吳人攻合肥魏必力戰以拒之終吳之世
曾不得淮南寸地故卒無以抗魏及魏已下蜀
經略上流屯壽春出廣陵則吳以亡矣

宋何承天曰曹

孫之霸才均智侔江淮之間不居者數百里濡須之戍家停羨溪濡須在歷陽郡南百八十里羨溪在其東三十里

東興 東關 巢湖

郡縣志巢湖在巢縣今無西五十里周迴五百

里南出於東關口東關口縣東南四十里接巢

湖在西北至合肥界東南有石渠鑿山通水是

名關口相傳云夏禹所鑿一號東興唐志巢縣

里有故今其地高峻險狹實守扼之所故天下

有事是必爭之地吳魏相持於此吳築城魏亦

對岸置柵嘉平四年諸葛恪於東關作大隄遏

巢湖左右依山俠築兩城使全端畱略守之魏

遣諸葛誕胡遵圍東關將壞其堤恪大破之東關

又在和州含山巢湖亦名焦湖在廬州合肥縣

東南六十四里本居巢縣地後陷為湖今與巢

縣廬江分湖為界後漢紀作灤元魏任城王澄表稱蕭衍頻斷東關欲令灤

湖泛溢以灌諸葛武侯曰曹操四越巢湖不成

張魏公曰巢河之水上通焦湖濡須正扼其衝
東西兩關又從而輔翼之餽舟難通故雖有十
萬之師未能寇大江薛氏曰西自皖東至揚多
斷流爲阻故自前世征役舟師皆出東道如吳
邗溝魏廣陵周鶴河等率資陽水之利南北所
通行也惟廬壽一路陸有東關濡須硤石之阨
重以陂水之限最爲險要東關特東興塘濡須
恃濡須水硤石蔽皖
紹興十一年劉錡至東關見其地
負山面水乃引兵據之以遏虜衝

邾城

通典今黃州東西界臨江與武昌相對郡縣志

故邾城在黃州黃岡縣東南一百二十里古邾

國也後爲楚所滅漢以爲縣屬江夏郡吳克邾城使陸遜以三

萬人城而守之赤烏四年八月陸遜城邾晉陶侃傳議者以

武昌北岸有邾城宜分兵鎮之侃曰我所以設

險禦寇正以長江耳邾城隔在江北內無所倚

外接羣夷必引寇虜自吳時此城乃三萬兵守

今縱有兵守之亦何益於江南後庾亮以毛寶
戍之果敗真氏曰今蘄舒黃三州之北有大山
縣亘八百里俗呼爲西山邾城在山之南東晉
時密迫羣夷所以不可置戍與今不同葉氏曰
孫氏以江北守江而不以江南守江楊氏曰固
國者以江而不以淮固江者以淮而不以江薛
氏曰淮東之地沮澤多而丘陵少淮西山澤相
半無水隔者獨邾城白沙戍入武昌及六安舒

城走南碇二路耳胡氏曰自古未有欲守長江
而不保淮甸者淮甸者國之脣江南者國之齒
唐氏曰曹公以數十萬再至居巢逡巡而不能
進諸葛誕以步騎七萬失利而退以濡須東與
之阮其
吭也

安陸

水經注安陸城故鄖城也因岡爲墉漢屬江夏

今德安府

郡縣志安陸縣城三重西枕滄水故清發

水也西北自隨州流入注于沔謂之滄口春秋

吳敗楚柏舉及清發是也雲夢澤在縣南五十

里晉庾翼欲北伐上疏移鎮安陸胡文定公曰

欲固中流必以重兵鎮安陸薛氏曰北接隨唐

東橫南鄂西接荆郢亦江漢間一都會也陪尾山在

安陸縣今

曰橫尾山

沔口

漢入江處謂之沔口魏吳皆以為重鎮見前辟

氏曰上游糧餉由沔而達襄郢由瀆而入安隨

廣陵

見前

涂中涂塘

郡縣志滁州漢全椒縣地通典齊志南譙郡隋改滁州晉環

邪王佑出涂中即此地吳赤烏十三年作堂邑

涂塘以淹北道涂水名音除漢堂邑縣屬臨淮後漢

屬廣陵九域志真州六和縣楚之棠邑也堂邑

涂塘即此今名瓦梁河晉咸和元年議欲作涂

塘以遏胡寇祖約曰是棄我也太元四年謝石

帥舟師屯涂中

涂水在全椒縣南六十里源出廬州梁縣東流經滁及六合縣

至瓜步入于大江滁河在和州歷陽縣北六十里

薛氏曰滁和州六合

間有涂塘吳赤烏中遣兵十萬斷涂作塘南唐

於滁水上立清流關瓦梁堰有東西瓦梁城晉

置秦郡治六合周顯德三年南唐何延錫建言

六合西二十五里有堰曰瓦梁水曰滁河內河

而上數百里鉅細駢比合五十四流輻湊吳堰

中闕橫斷羣山回環不止魚三州氓海四百里

其實據天經而絕地緯之要者功未就而罷景

德元年毀之

瓦梁堰即涂塘也是塞滁水以為塘堰隋志六合縣後齊置瓦梁郡

何氏曰晉之取吳二十萬耳而所出之道六隋

之取陳五十萬耳而所出之道八所出之道多

則彼之受敵者衆

吳西不得蜀北不得淮北齊於秦郡置秦州州前江浦

通涂水齊人以大木為柵於水中秦州即六合縣

朱氏黼曰吳大帝築

堂邑涂塘以淹北道王凌表請攻討而司馬懿

不許諸葛恪一城東興以遏巢湖而魏之二將數十萬之衆皆覆沒於隄下則堰水以固圍未爲非策也唐氏曰自古天下裂爲南北其得失皆在淮南晉元帝渡江迄于陳抗對北虜者五代得淮南也楊行密割據迄于李氏不賓中國者三姓得淮南也吳不得淮南而鄧艾理之故吳并於晉陳不得淮南而賀若弼理之故陳并於隋南得淮則足以拒北北得淮則南不能自

保矣劉氏

季裴

曰自古守淮莫難於謝玄又莫

難於楊行密淝水之役謝玄以八千人當苻堅九十萬之衆清口之役楊行密以三萬人當朱全忠八州之師衆寡殊絕而卒以勝者扼淮以拒敵而不延敵以入淮也孫仲謀以江守江行密以淮守淮晉人以淮守江薛氏曰孫氏割據作涂中東興塘以淹北道南朝瓦梁城塞後湖爲淵障蔽長江號稱北海大抵淮東之地沮澤

多而丘陵少淮西山澤相半無水隔者獨邾城

白沙戍入武昌及六安舒城走南硤二路耳古

人多於川澤之地立塘隄以遏水漑田在孫氏

時盡罷縣邑治以屯田都尉自劉馥鄧艾之後

大田淮南迨南北朝增飭彌廣今舒州有吳陂

堰朱光呂蒙所爭皖屯也陂堰皖水廬江有七門堰劉馥斷龍舒水作

巢縣有東興塘諸葛恪作過巢湖水滁和州六合間有涂

塘吳赤烏中遣兵十萬斷滁作塘於其上源今梁縣界置滁陽城晉以為南梁郡南唐於滁

水上立瓦梁堰有東西瓦梁城晉置秦郡而治六合周顯德三年南唐何延錫

建言堰五十四流不止魚三州氓海四百里其實据天經絕地緯功未就而罷景德元年毀之

天長有石梁堰源出滁州入高郵為樊梁溪梁置涇州高郵有白

馬塘唐阻三阿溪謝玄破都顏俱難李孝逸破李敬業處揚州有召伯埭

謝安堰艾陵湖作新城在其上裘塘屯齊高帝建武五年遏艾陵湖立楚州有

石鼈塘鄧艾作荀羨復屯射陂漢舊洪澤陂唐大曆二年與射陽

湖並置官屯射淮陰有白水屯盱眙有破釜塘

鄧艾立白水塘與破釜相連開八水門安豐有

地理通釋

卷之十二

及古

芍陂

即孫叔敖所作期思陂漢王景魏劉馥鄧艾齊桓崇祖皆修復之首受淠水西自六安北界騶虞石東自濠州之南橫石水皆入焉灌田萬頃

固始有茹陂劉馥作

是皆古人屯田遏水之迹其餘不可詳記大要

六安以東有芍陂之險鍾離以東無非湖濁之

地西自皖東至揚則多斷流為阻故自前世征

役舟師皆出東道如吳邗溝魏廣陵周鶴河等

率資隄水之利南北所通行也惟廬壽一路陸

有東關濡須硤石之阨至以陂水之艱東關特東興塘

濡須特濡須水硤石蔽皖淮南有兩硤最為險石此桐城南硤也壽春硤石在淮水上

要然聞芍陂可以灌壽淝水可以灌廬南唐何

敬洙嘗復諸塘不克

通鑑地理通釋卷之十三

晉宋齊梁陳形勢攷

東南地非褊也兵非弱也有人焉進取而有餘無人焉自保而不足詩曰無競維人作晉宋齊梁陳形勢攷

晉重鎮

通典元帝命祖逖鎮雍丘以合肥淮陰壽陽泗口角城爲重鎮成帝時鄧守將退屯襄陽穆帝時平

蜀漢復梁益之地又遣軍西入關至灞上再北伐
一至洛陽一至枋頭其後以彭城為北境藩扞每
因劉石苻姚衰亂之際則進兵屯戍在於漢中襄
陽彭城大抵上明江陵夏口武昌合肥壽陽淮陰
常為晉氏鎮守

雍丘

晉屬陳留

古雍國
杞國

今屬開封府郡縣志故城北

臨汴河祖逖為豫州刺史治於此

合肥

壽陽

襄陽

見前

戴若思鎮合肥祖約謝尚鎮壽陽庾翼朱敘鎮

襄陽通典壽春郡西十五里即謝玄破苻融之

處

胡氏曰六朝增重上流庾亮欲經略中原則
先分戍漢沔宋太祖欲伐魏則先廣襄陽資
力故晉何充謂
荆楚國之西門

馬頭城

通典晉永和中謝尚鎮馬頭城即壽州盛唐縣

北

郡縣志縣北二十里今安豐軍六安縣輿地
廣記在六和縣北宋志馬頭太守屬南豫州

地理通釋

卷之十三

及古

故淮南當塗縣地晉安帝立因山形立名

淮陰

祖逖屯淮陰通典劉隗鎮守今楚州縣南齊志

永和中荀羨云淮陰舊鎮地形都要水陸交通

易以觀豐沃野有開殖之利方舟運漕無他屯

阻乃營立城池

寰宇記故淮陰縣城在山陽縣

本朝陳敏曰楚

州為南北襟喉長淮二千餘里河道通北方者

五淮汴渦潁蔡是也其通南方以入江者唯楚

州運河一處周世宗自北神堰鑿老鸛河通

艦入大江而唐遂失淮南之地徐宗偃曰山陽

南北必爭之地我得之可以控制山東

清河口去州五

十里紹興初韓世忠屯重兵

石鼈

通典石鼈城在楚州寶應縣西八十里魏鄧艾

築以營田晉荀羨鎮下邳屯田於東陽之石鼈

北齊蘇珍芝又議修石鼈等屯

泗水

通典泗州宿遷縣

郡縣志淮水入縣境南與楚州山陽縣分中流為界晉

大寧中兗州刺史劉遐自彭城退屯泗水口即此

褚裒伐趙直指泗水口徑赴彭城殷浩進屯泗水口謝玄救彭城軍于泗水水經淮水

東北至下邳淮陰縣西泗水從西北來流注之

注淮泗之會即角城也左右兩川翼夾二水決

入之所謂泗水也

泗水又東南得睢水口泗水又逕宿預城之西梁將張惠

紹北入水軍所次今城在泗水之中輿地廣記宿遷縣秦下相縣地晉元帝督運軍儲以為邸

閣因置宿豫縣唐改宿遷宋朝太平興國七年

屬淮陽軍胡文定公曰欲固下流必守淮泗

漢條侯擊吳楚鄧都尉曰使輕兵絕淮泗口塞

吳饒道條侯從其策泗水出襲慶府泗水縣

至宿遷縣入淮演繁露曰泗即今謂南清河也

禹貢廣記曰今盱眙軍相對即泗水也自清河

口而上者呂梁自渦口而上

者譙梁自潁口而上者蔡河

角城

水經注泗水又東逕角城北濟水與泗水東南

流至角城同入淮通典安帝義熙中置城在宿

遷縣東南

寰宇記在淮陽軍宿遷縣東南一百十里

臨泗水南近淮

水自後常為重鎮輿地廣記泗州盱眙縣晉安

帝時置角城鎮在淮泗之會後魏高閭曰角城

處在淮北去淮陽十八里五固之役攻圍歷時

卒不能克宋志淮陽角城縣晉義熙中立齊明帝初

後魏南侵以李安仁戍之

鄴

晉志武帝改南陽為順陽郡治鄴縣故城在光

化軍乾德縣東北水經注鄴縣故城南臨沔水

謂之鄴頭漢封蕭何為侯國

彭城

徐州晉為彭城國通典晉立徐州為重鎮朱序

鎮守宋王玄謨曰彭城南屆大淮左右清汴魏

虎子曰徐州清汴通流表裏京甸捍接邊境城隍峻整襟

衛周固又自淮以西襄陽以北經塗三千達于

濟岱六州之人三十萬戶常得安全實由此鎮

輿地志郡城險固非攻所能拔郡縣志宋高祖

經略中原置府於此自隋氏鑿汴以來南控壘
 橋以扼汴路故其鎮尤重宋志徐州刺史後漢
 治郟縣魏晉宋治彭城元魏尉元曰彭城宋之
 要藩宋薛安都舉城降魏薛虎子曰欲取江東
 先須積穀彭城蘇氏曰魏太武以三十萬眾攻
 彭城不能下而王智與以卒伍
 庸材恣睢於徐朝廷亦不能討豈非其地形便
 利人卒勇悍故耶後山陳氏曰南守則略河南
 山東北守則瞰淮江故於兵甲為守攻之地項
 氏常都臨制四方宋武常守并護南北林氏曰
 晉悼公始圍彭城繼
 城虎牢識天下之勢

沌口

水經注沌口上承新陽縣之太白湖東南流為

沌水逕縣南注于江謂之沌口竟陵郡新陽縣分雲杜立晉

永嘉六年陶侃為荊州鎮此明年徙林鄣沔水

又東逕沌陽縣北又東逕林鄣故城北陶侃鎮

此郡縣志晉於臨嶂山置沌陽縣江夏郡自上

今漢陽軍漢陽縣有沌水通典音屯東晉置沌

陽縣處沌水之陽漢陽縣有沌口港沌口鎮玉

澄東下乃留屯沌口陶侃為荊州刺史鎮沌口又移入沔江陳侯安都討王琳至沌口後梁華皎與吳明徹戰於沌口皆此地臨嶂山在漢陽縣西六十里陸務觀曰江陵之建寧鎮蓋沌口也

上明

郡縣志上明故城亦謂桓城在江陵府松滋縣西一里居上明之地而桓沖所築故兼二名苻堅南侵沖為荊州刺史渡江南上明築城以禦之上明在縣東三十步明猶渠也晉末朱齡石

開三明引江水以灌稻田後隄壞遂廢水經水東逕上明城北注云晉太元中苻堅寇荊州桓沖徙渡江南使劉波築之移州治城其地夷敞北據大江晉志元帝渡江後以河東人南寓者於漢武陵郡孱陵縣界上明地僑立河東郡桓沖傳上疏曰自中興以來荊州所鎮隨宜迴轉今宜全重江南輕戍江北於是移鎮上明

江陵 夏口 武昌

見前

石城

羊祜傳吳石城守去襄陽七百餘里祜以詭計
令吳罷守祜以孟獻營虎牢而鄭人懼晏弱城
東陽而萊子服乃進據險要開建五城取膏腴
之地石城以西盡為晉有郡縣志郢州長壽縣
城本古之石城背山臨漢水吳於此置牙門戍
城羊祜鎮荊州亦置戍焉即今州治是也

郢州西北

至襄州三百十里

水經注沔水南逕石城西城因山為

固晉羊祜鎮荊州立元康元年分江夏西部置
竟陵郡治此庾亮欲移鎮石城為滅賊之漸蔡
謨議曰沔水之險不及大江非廟勝之算亮不
果移鎮

終晉之世卒於宴安江沱而不能混一中原

郢州子城三面

墉基皆天造正西絕壁下臨漢江石城之名本

此

灞上

郡縣志白鹿原在京兆府萬年縣東二十里亦

謂之霸上

漢文帝霸陵王仲宣詩曰南登霸陵岸迴首望長安

洛陽

見前

郡縣志故洛陽城在洛陽縣東二十里按華延

雋洛陽記云洛陽城東西七里南北九里洛陽

城內宮殿臺觀府藏寺舍凡有一萬一千二百

一十九門自劉曜入洛元帝渡江官署里閭鞠

為茂草後魏孝文太和十七年幸洛陽巡故宮

遂詠黍離之詩為之流涕經始洛京十九年

都始立隋煬帝詔營東京大業元年新都成

枋頭

通典淇水出共山東至衛州

今濟州

衛縣界入河

謂之淇水口漢建安九年曹公於水口下大枋

木以成堰遏淇水東入白溝以通漕運時人號

其處為枋頭晉桓溫敗於枋頭即此

郡縣志枋頭故城在

衛縣東

水經注盧諶征艱賦曰後背洪枋巨堰

深渠高堤

魏武開白溝因宿胥故瀆

蒲洪歸枋頭遣使來降

十六國春秋晉劉牢之救蒲丕慕容垂至枋頭拒之後魏移汲郡治此

謝尚使戴

施據枋頭寰宇記枋頭城在衛縣南去河八里

南對酸棗棘津載記苻堅自鄴如枋頭改枋頭

為永昌縣

大司馬溫之滅蜀太尉裕之伐南燕平後秦三

事差強人意然是二人者功存攻拓志在篡君

宋重鎮

通典宋武帝北平廣固西定梁益又克長安盡得

河南之地

長安尋為赫連所陷景平中虎牢以西陷後魏

文帝元嘉中遣

將北伐水軍入河克魏碭滑臺虎牢洛陽四城

其後又失

又分軍北伐克弘農開方二城於是後魏太

武總師經彭城臨江屯於瓜步退攻盱眙不拔而

還明帝時後魏南侵淮北青冀徐兗四州及豫州

西境悉陷沒則長淮為北境然初強盛也南郡襄

陽懸瓠彭城歷城東陽皆為宋氏藩扞

廣固

在青州益都縣西四里晉曹嶷所築

見下

梁益

梁州今興元府益州今成都府

碣磳

唐為濟州治所宋王玄謨平碣磳守之其城臨

水西南圯于河

滑臺

本鄭之廩延邑今滑州

虎牢 洛陽

見前

弘農開方

通典並虢州水經注燭水東注于緒茹之水歷

澗東北出謂之開方口水側有阜名方伯堆宋

奮武將軍魯方平建威將軍薛安都等與柳元

景北入軍次方伯堆堆上有城即方平所築也

門水又北逕弘農縣故城東即故函谷關郡縣

志方伯堆在虢州弘農縣東南五里宋魯方平

所築柳元景傳龐法起諸軍進次方伯堆去弘農城五里元景率衆至弘農營於開方口

彭城

見前

瓜步 六合

瓜步山在真州揚子縣西四十七里九域志有瓜步鎮

後魏太武臨江即此鮑明遠云瓜步山亦江中

之眇小山徒以因迥爲高據絕作雄凌清瞰遠

擅奇含秀是亦居勢使之然也南齊建元初徙齊郡治瓜步

郡縣志瓜步山在六合縣東南二十里臨大江

魏太武至六合登瓜步山隔江望秣陵纔數十

里六合山在縣東北八十里桃葉山在縣西南

七十五里隋開皇三年於此山置六合鎮見隋取陳

漢堂邑縣楚棠邑後周置方州改六合郡隋爲六

合縣唐屬揚州本朝屬真州州西北七十里真州東行

五十里可至瓜洲以向鎮江西行六十里可至

瓜步以向建康唐氏曰太武以百萬衆觀兵瓜步卒盟而還不復議渡江元英

以大衆困於堅城之下不敢捨而深入慮彭城合肥之議其後也

盱眙

後魏高閭謂盱眙淮南之本原輿地記云楚邑

懷王初立都此漢爲臨淮都尉治晉臨淮郡治義熙七

年立盱眙郡統三縣宋太守沈璞繕城浚隍及魏

兵南向臧質與璞共守魏太武以三十萬衆圍

三旬不克而退元嘉二十八年南兗州徙治齊北兗州自淮陰移鎮唐改

西楚州尋廢本朝屬楚州復隸泗州建炎三年

爲盱眙軍紹興六年依山築城今招信軍領縣三曾渙曰淮東控

扼有六一曰海陵二曰喻口三曰鹽城四曰寶

應五曰清口六曰盱眙張魏公曰淮東宜於盱

眙屯駐以扼清河上流淮西宜於濠壽屯駐以

扼渦潁之運真氏曰淮東要害在清河之口淮西要害在渦潁之口欲顧兩淮先

防三口天長縣去盱眙軍百四十里西門趨盱眙南門趨六合東門趨揚州自揚至盱眙凡數

百里平疇沃壤極目亡際重湖陂澤渺漭相連
 田野之民又皆堅悍強忍此天賜吾國以為長
 江之屏障使強兵足食為進取之資也
 兩臺子山在盱眙縣東一里魏造弩臺射城中因名長
 圍山在北七里魏於都梁山築城造橋絕水
 路即此盱眙山在東南四十里一名馬鞍

歷城

通典齊州歷城縣

漢屬濟南韓信伐齊至歷下即其地

宋為濟南

郡兼置冀州

領郡九治於此

到彥之引兵自清入濟南

至歷城

東陽

晉志劉裕滅南燕留羊穆之為青州刺史築東

陽城而居之

自元帝渡江於廣陵僑置青州至是始置北青州鎮東陽城宋志孝

建二年移治歷城大明八年還治東陽明帝失淮北於鬱州僑立青州

通典東陽

城即青州治東城是也

治在益都縣

晉時城宋將竺

夔守之後魏攻圍數月不拔

臨朐縣古東陽城左傳晏弱城東陽

以偃萊注云齊竟上邑郡縣志宋沈文秀為刺史守東陽城為後魏所陷郡國志泰山郡南城縣有東陽城呂氏春秋夏孔甲遊東陽蒼山

左傳哀八年克東陽宋元嘉八年青州刺史

蕭思話棄東陽奔平昌魏軍竟不至而東陽積聚已為百姓所焚

廣固

郡縣志廣固城在青州益都縣西四里晉永嘉

五年曹疑東萊牟平人為刺史所築有大澗甚廣固

故謂之廣固晉志苻朗以州降朝廷置幽州以辟閭渾為刺史鎮廣固為慕容德

所滅初慕容德議所都潘聰曰廣固曹疑所營山

川阻峻足為帝王之都德從之城側有五龍口

險阻難攻玄文河間人說劉裕曰昔趙攻曹疑望

氣者以為澗水帶城非可攻拔若塞五龍口城

必陷石虎從之疑降段龕據之慕容恪攻不克

又塞五龍口龕降今宜修塞裕從之超為晉所

擒通典宋青州治廣固

南郡

晉徙荊州治此唐置江陵府江左大鎮莫過荆

揚晉以揚州為京畿荆江為重鎮三州戶口居江南之半

襄陽

見前

懸瓠

郡縣志蔡州治城古懸瓠城也汝水屈曲形若

垂瓠故城取名焉宋文帝於懸瓠城置司州隋為豫州移入懸瓠城水

經注汝水東逕懸瓠城北汝南太守周矜起義

於懸瓠者是矣今豫州刺史汝南郡治城之西

北汝水枝別左出西北流又屈西東轉又西南

會汝形若垂瓠唐李祐為李愬謀曰若直擣懸

瓠賊成擒矣愬夜半至懸瓠城宋元嘉二十六年後魏攻圍汝南太守陳憲等

拒四十餘日不拔而退宋明帝失淮北地乃僑立新蔡郡領固始一縣

蘇氏曰自江南建國惟桓温東討慕容西征苻

健兵鋒所及敵人震動宋武破廣固陷長安所

至蕩定然桓温終以敗衄不能成大功宋武志

在禪代未能定秦狼狽而反而況其下者乎

齊重鎮

通典齊始全盛也南鄭樊城襄陽義陽壽春淮陽

角城漣口朐山為重鎮永元初沔北諸郡相繼敗沒又遣軍北伐敗於馬圈

壽陽盱眙淮陰三鎮淮南之本原

元魏高闕云

南鄭

梁州鎮南鄭建武二年後魏來伐刺史蕭懿守

拒攻圍百餘日不下南齊志晉隆安二年郭銓

始為梁南秦州刺史寄治漢中晉每失漢中梁

州刺史輒鎮魏興

漢中為巴蜀扞蔽是以蜀有難漢中輒沒

樊城

通典襄陽臨漢縣有古樊城

後改鄧城有樊城鎮

建武中

後魏孝文率兵十萬數旬攻圍將曹虎拒不下

李氏

綱

曰六朝能保守江左以彊兵重鎮盡在

淮襄

義陽 三關

水經注晉泰始中割南陽東鄙之安昌平林平

氏義陽四縣置義陽郡於安昌城

此謂白茅城其城固而不

方義陽縣南對固成山南齊志司州鎮義陽宋

泰始中立州於義陽郡有三關之隘北接陳汝

控帶許洛宋齊以來常為邊鎮

梁曰北司州

郡縣志

申州古申國也魏文帝分置義陽縣

本漢平氏縣義陽鄉

地之故平靖關城在縣南七十六里

舊有此關不知何代創立

義陽有三關之塞此其一也武陽黃峴二關在

安州應山縣

今屬隨州

界此關因山為障不營濠隍

故名平靖關石城在鍾山縣

本漢黽縣

西南二十一

里石城山上本晉義陽縣所治澧山關即齊志

所謂武陽關也在安州東北二十四里在應山

縣東北一百三十里北至申州一百五十里百

雁關在安州東北二百里在應山縣九十里北

至申州九十里平靖關因古平靖縣為名在安

州北一百七十里在應山縣北六十五里北至

申州九十里

故曹城在義陽縣東三十八里梁將曹景宗將兵侵魏所築

通

典魏分南陽置義陽郡晉宋因之輿地廣記唐

為申州開寶九年為義陽軍太平興國元年改

為信陽軍

縣為信陽

羅山縣有石城山史記魏攻寘

阨謂此山也寰宇記義陽山在軍治東五十步

冥阨塞在軍東南五十五里有大小石門皆鑿山為道以通往來

荆楚守隘之地也呂氏春秋九塞冥阨其一焉左傳大隧即黃峴直轅冥阨乃武陽平靖也黃

峴今名九里關在軍南百里武陽在今大寨嶺軍東南九十里平靖今名行者陂在軍南七十

五里信陽與三關勢如首尾欲復宛洛必自此地始方城塞在軍東三十里

英至義陽將取三關先策之曰三關相須如左

右手若克一關兩關不待攻而破宜先攻東關

又恐其并力於東使李華向西關分其兵勢自

攻東關六日而拔進攻黃峴及西關梁將皆走

梁於南義陽置司州移鎮關南魏置郢州於義陽其後梁復取三關圍郢州不克

曰三關之險大塞頗頗為平易胡氏曰義陽淮

西之屏蔽也義陽不守則壽春合肥不得安寢

矣蘇氏曰三關險矣關外百里皆險也虜得信

頭以抗平靖營石門以抗黃峴是舉三關棄之也

淮陽

後魏尉元曰先定下邳平宿豫鎮淮陽戍東安

地理通釋

卷之十三

則青冀諸鎮可不攻而克輿地廣記淮陽縣在

漢陵縣泗陽之間有淮陽城梁置淮陽郡隋廢唐

貞觀元年省入下邳水經注淮陽城北臨泗水

今淮陽軍

漣口

通典泗州漣水縣漢古猶縣齊置冀州寄治於此以

為邊鎮南齊志冀州領北東海郡治漣口郡縣

志沐水俗名漣水西南自海州沐陽縣流入漣

水縣今漣水軍

胸山

通典海州胸山縣齊置青州於此東海縣鬱洲

宋泰始以後青冀二州僑立於此海泗東南之藩蔽泗可以

取淮北海可以下山東呂氏曰吳徐承帥舟師將自海入齊此是海道自蘇州到山東

沔北

通典今鄧州地漢水一名沔水

馬圈

通典魏馬圈鎮城去襄陽三百里陳顯達攻圍四十餘日不拔在今鄧州穰縣北

梁曹義宗取馬圈

壽陽

壽春

盱眙 淮陰

見前

梁重鎮

通典梁武失漢川及淮西之地其後與魏交戰於

淮南淮北唯合肥獨存

雖得縣瓠彭城俄而又失又古

壽春凡二十七

復漢中四十三

及侯景平後江北

之地悉陷高齊漢川蜀川没于西魏大抵雍州下澁戍夏口白苟堆硤石城合州鍾離淮陰胸山為

重鎮

懸瓠 彭城 壽春 漢中

一見前

漢川 蜀川

梁益州

雍州

襄陽府東晉僑置雍州

後梁蕭譽附庸西魏以荊州資之而取其雍州

西魏改曰襄州

李忠定公

綱

曰天下形勢關中為上襄

鄧次之建康又次之

下澁戍

通典在隨州棗陽縣

今棗陽軍

東南百餘里後魏正

光初南伐破之置鎮梁又破鎮置郡

今棗陽軍

隋志

漢東郡唐城縣西魏改涿西為下澁隋改下澁

曰唐城左傳莊四年楚除道梁澁營軍臨隨注

澁水在義陽厥縣西東南入鄖水

水經注澁水出隨縣西北

黃山南逕涿西縣西又南流注于澁郡縣志隨州唐城縣梁於此置下澁戍魏改為鎮隋改鎮為唐城縣澁水在隨縣西四十里職方氏豫州其浸波澁九域志唐城縣有澁水

夏口

見前

白苟堆

通典戍城在蔡州真陽縣後魏遣堯雄為南境
 守將雄曰白苟堆梁之北面重鎮請備之後魏
 志西淮州治豫州界白苟堆隋志真陽縣又有
 白狗縣梁置雄州後齊志唐李愬攻蔡入白狗
 汶港柵

硤石城

通典梁大同中於硤石山築城拒東魏

天監十五年魏

崔亮攻硤石

即今潁州下蔡縣城也

周世宗克壽州徙州治此

郡

縣志硤石山在下蔡縣西南六十里淮水經硤
 石中對岸山上築二城以防津要今按淮水以
 中流分界在西岸者屬下蔡在東岸者屬壽陽
 硤石城魏諸葛誕反王昶據硤石以逼誕即此
 城又晉胡彬援壽春既陷退保硤石亦此城也

見前夾石

合州

即合肥梁置汝陰郡及南豫州太清二年改為

合州韋叡守合肥魏人畏之有韋虎之謠今廬州
真氏曰有安豐之屏扞則敵始不得以犯合肥
維揚合肥兩淮之根本

鍾離

郡縣志濠州阻淮帶山為淮南之險晉淮南郡
鍾離縣安帝立鍾離郡宋兼置徐州為重鎮齊
明帝時後魏攻圍刺史蕭惠休蕭坦之守不下
而退梁昌義之康絢鎮守隋唐為濠州
通典鍾離縣

東四里有古鍾離城即魯昭四年楚城鍾離
縣東一里有小城秦始皇二年築之以鎮濠
口寰宇記古鍾離城在州東六里州有東西二城濠水界于
其真氏曰有濠梁之遮蔽則敵始不得以走歷

陽

淮陰 胸山

見前

荆山堰 浮山堰

郡縣志荆山堰在濠州城西百十二里寰宇記

在鍾離縣西八十三里圖經八十里二十步荆山城在縣西八十里周

迴三百步高一丈堰城在縣西八十三里周迴二百十步高二丈梁天監中魏

降人王足求堰淮水以灌壽陽引北方童謠曰

荆山為上格浮山為下格潼泡為激溝并灌鉅

野澤帝遂發徐揚人率二十戶取五丁以築之

令康絢昌義之護作戰士十萬人於鍾離南起

浮山堰北抵巉石堰成壽陽城成移頓於八公

山既而堰決殺數萬人浮山堰在招義縣今招信縣

西北六十里與荆山堰同時修築水經注淮又

東逕浮山山北對巉石山梁天監中立堰於二

山之間寰宇記臨淮山在濠州東九十五里圖經

云鍾離縣東俯臨長淮山下有水穴淮水泛濫其穴

即高水減還低有似山浮故亦號浮山胡氏曰

水之有源者不可遏大河之北有鯀隄焉而無

禹隄堙與導之異也梁武規取壽陽其人何罪

而欲灌之於敵未有損而自殘其民豈有數萬
 千人由我而死漠然不以介意者乎呂氏曰齊
 垣崇祖守壽陽欲堰淝水以自固議者以自有
 淝水未嘗堰難之崇祖不顧終以取勝梁武帝
 堰淮水以灌壽陽浮山之役功力視崇祖不啻
 百倍魏人謂終當自壞竟如所料在齊可堰在
 梁不可堰豈主客殊勢而攻守異便耶

郡縣志
寒山堰

在徐州彭城縣東南十八里梁
蕭淵明伐魏堰清水以灌彭城

陳重鎮

通典陳西不得蜀漢北失淮肥以長江為境宣帝
 太建中北伐累捷盡復淮南之地更經略淮北大
 破齊軍於呂梁周軍來拒又大破之旋為周軍所
 敗自是江北之地盡沒於周又以長江為界及隋
 軍來伐遣將守狼尾灘荆門安蜀城公安巴陵巴
 下並風靡退散隋軍自采石京口渡江而平之

呂梁

郡縣志呂梁故城在徐州彭城縣東五十七里
宋之呂邑漢爲呂縣城臨泗水高百四十尺周
迴十七里城東二里有三城一在水南一在水
中渾上一在水北並高齊所築立鎮以防陳寇
呂梁在彭城縣東南五十七里蓋泗水至呂縣
積石爲梁故號呂梁陳將吳明徹以舟師北破
下邳進屯呂梁堰泗水以灌徐州周烏丸軌達
奚長儒率兵救援軌又車輪數百連鎖貫之橫

斷水路募壯士夜決堰至明陳人始覺水經注

呂宋邑也縣對泗水泗水之上有石梁故曰呂
梁宋景公彎弧東射矢集彭城之東飲羽於石
梁卽斯梁也懸濤瀟瀟濟實爲泗險孔子謂懸水
三千仞流沫九十里今則不能也晉太康地記
水出磬石書謂泗濱浮磬晉太元九年謝玄於
呂梁遣督護聞人奭用功九萬擁水立七拖以

利運漕

九域志彭城縣有呂梁洪
鎮隋志彭城有呂梁城

江北

淮南之地

狼尾灘 流頭灘

通典陳後主遣將戚欣守狼尾灘今峽州宜都縣界通鑑隋楊素引舟師下三峽軍至流頭灘戚昕守狼尾灘地勢險峭素擊敗之郡縣志硤州遠安縣江有狼尾灘水經江水又東流頭灘注云其水峻激奔暴袁崧曰自蜀至此五千餘

里下水五日上水百日宜都記曰渡流頭灘百

里得宜昌縣

分夷道很山所立也

江水又東逕狼尾灘

在峽

州西而歷人灘

注云袁崧曰二灘相去二里人灘水至峻峭其石作人形因名

人又東逕黃牛山

下有灘曰黃牛灘

祝氏

鎰曰晉之伐

吳王濬自梁益以踐荆門杜預自襄陽以侵沅湘隋之取陳秦王由山南以掠漢口楊素由巴東以趨三峽

荆門 安蜀城

通典峽州陳為重鎮荆門將仲肅據之宜都縣

界安蜀城將顧覺鎮之夷陵縣界郡縣志荆門山在峽州宜

都縣西北五十里陳章昭達傳太建二年征蕭歸于江陵周兵於峽下南岸築壘名曰安蜀城

昭達攻其城降之倪氏曰桓温經理中原先平李勢劉

裕削平燕秦先取譙縱故蜀於天下形勢最重

孫氏以蜀先亡也王濬順流而下而吳亡陳以

蜀先為隋有也楊素順流而下而陳亡本朝先

平孟昶然後南唐不能以自立故蜀於東南形

勢尤重唐許紹傳江之南有安蜀城地直夷荆門城峙其東皆峭險處蕭銑以兵戍

公安

陳置荊州隋屬江陵總管府

巴陵

宋置巴陵郡梁兼置巴州隋改岳州

采石

九域志太平州當塗有采石鎮牛渚山陳樊毅

言於袁憲曰京口采石俱是要地各須銳兵五

千金翅三百緣江上下以為防備孔範曰長江

天塹豈能飛度隋韓擒虎襲陷之自橫江宵濟采石葉氏曰

王濬自巴丘十四日至牛渚蘇峻在歷陽其襲姑孰進慈湖蓋由采石而渡曹彬下李氏亦循

用其紹興三十一年金虜率大軍臨西采石楊

林渡初奏言已犯采石而不言東西朝廷大驚次報已到楊林而不言楊林渡莫知其所在

江之南北益懼求當塗歷陽人問楊林所在言楊林西采石之渡口也於是憂疑稍定虞

允文督舟師拒虜于東采石却之胡氏曰天塹

一也有人則險無人則夷王氣未嘗盡也有人

則王無人則衰又見前陸務觀曰采石一名牛

渚與和州對岸江面比瓜洲為狹故隋韓擒虎

平陳本朝曹彬下南唐皆自此渡林氏曰吳有

淮故楚不敢深入孫氏陳氏失淮故晉隋得以

亡之

京口

隋賀若弼攻拔京口南齊志京城因山為壘望

海臨江緣江為境吳置幽州牧屯兵在焉

宋高祖以

京口要地去建康密邇非宗室近親不得居之

郡縣志潤州吳朱方秦

改丹徒建安十四年孫權自吳治丹徒號曰京

城今州是也十六年遷都建業於此為京口鎮

按京者絕高丘也人力所為者公孫瓚易京是

也非人力所及者滎陽京索是也今地名徐陵

即此京非人力所為也京上郡城城前浦口即

是京口吳志孫策使孫何領兵屯京地又云魏

臧霸以輕船襲徐陵即吳時京城徐陵丹徒其

實一也吳晉以後皆為重鎮咸和中郗鑒自廣

陵鎮於此為僑徐州所治升平二年徐州刺史

北鎮下邳京口常有留局

後徐州寄治建業又為南兖州後又為南

徐州隋置州 城東有潤浦因名北固山在丹徒縣北一里下臨長江其勢險固

九江

隋蘄州總管王世積以舟師出九江隋志九江

郡置江州曾氏曰禹貢過九江至于東陵東陵

巴陵也則九江不在尋陽朱文公曰漢九江郡本在江北而今所謂江州者實武昌郡之柴桑縣後以江北之尋陽并柴桑而立郡又自江北徙治江南以故江南得有尋陽之名後又因尋陽而改爲江州實非古九江地也

胡氏晁氏皆以九江爲洞

庭水經九江在下雋縣此正荊州之地與禹貢合漢志沅漸濞辰序酉澧湘資水皆合洞庭而

北入于江

湓城 峽口

唐志江州有湓城戍潯陽縣本湓城郡縣志陳

大建二年征江陵周軍於峽口岸築壘名安蜀

城以備陳又隋伐陳陳將顧覺戍此

元和郡縣志下牢鎮

在夷陵縣西二十八里隋於此置峽州杜甫峽口詩開闢多天險防虞一水關

五湖

越語注今太湖也

虞翻云太湖有五道吳錄云周行五百餘里故名五湖郡

縣志太湖在蘇州吳縣西南五十里湖中有山一名洞庭山

水經注江南東

注于具區謂之五湖口五湖謂長塘湖

洮湖一名長塘

湖太湖上湖射貴湖瀟湖也書謂之震澤爾雅

以為具區山海經浮玉之山北望具區史記正義五湖者菱

湖游湖莫湖貢湖胥湖皆太湖東岸五灣太史

公云登姑蘇望五湖

河渠書於吳則通渠五湖

通鑑地理通釋卷之十四

河南四鎮攷

宋元嘉七年有恢復河南之志詔到彥之統王仲德竺靈秀舟師入河段宏將精騎直指虎牢先遣田奇告魏主曰河南舊是宋土今當修復舊境魏主曰當權斂戍相避冬寒冰合自更取之彥之泝河西上魏主以河南四鎮兵少命悉衆北渡於是

司兗既平

司州金墉虎牢兗州碣磔滑臺

碣磳

郡縣志濟州治碣磳城本秦東郡之荏平縣地其城西臨黃河晉宋為河水所毀移治河北博州界宋元嘉十一年王玄謨前鋒入河平碣磳立戍守之都督劉義恭以沙城不堪守召玄謨毀城而還後更城之後魏置鎮守天寶十三載州為河所陷廢碣磳津在濟州津有城故以為名盧縣北一里後魏於此置關名濟州關隋末廢輿地廣記碣磳城臨

水西南圯于河今濟州徙置鉅野而盧縣廢久

唯碣磳津在鄆州陽穀縣境則亦盧地通典後

魏太常八年於此立濟州中城其外城正光中

刺史刁宣所築後周武帝築第二城即碣磳故

城也唐地理志盧縣北有碣磳津故關左傳齊鄭盟于石門尋盧之盟也今濟北盧縣故

城

滑臺

郡縣志滑州城即古滑臺城甚險固慕容德自鄴南徙滑

臺城有三重又有都城周二十里相傳云衛靈

公所築小城晉滑氏為壘後人增以為城高峻

堅險臨河亦有臺水經河水又逕滑臺城有三重小

城謂之滑臺城城即鄭廩延邑也下有延津到彥之留朱修之守滑臺修之堅守數月糧盡

魏遂克滑臺

金墉

通典金墉城在河南府洛陽縣故城西北角魏

明帝築郡縣志洛陽縣貞觀六年自金墉城移

入郭內毓德坊故洛陽城在縣東二十里水經注魏文帝起

層樓於東北隅到彥之留杜驥守金墉後魏中

遁安頡拔洛陽

虎牢

本東虢國鄭為制邑有故虎牢城漢為成臯縣

屬河南宋毛德祖戍虎牢後魏晝夜攻圍二百

日乃克到彥之留尹冲守虎牢後魏安頡與陸侯進攻拔之後魏置東中

府隋改成臯縣曰汜水大業初置虎牢都尉府

屬滎陽郡唐屬鄭州又屬洛州後屬孟州賈至
虎牢關銘王侯設險虎牢擁其要振之以五岳
維嵩舉焉迫之以四瀆洪河突焉宜其咽喉九
州闡域中夏漢祖守之以臨山東坐清三齊疆
楚躑躅而不進太宗據之以拒河朔克擒醜夏
僞鄭祖縛而請命維茲虎牢天設巨防攻在坤
下拒在離旁昏恃以滅聖憑而王

東西魏周齊相攻地名攷

通典北齊神武東魏天平末大舉西伐至蒲津
秦自風陵濟河至潼關高敖曹入武關陷上洛
軍敗西魏乘勝攻陷陝州神武西至沙苑西軍又
襲陷洛陽又至于河陰時拒守河陽城西師敗歸
其後神武攻圍玉壁不克西師來伐至于邛山後
又圍玉壁不克文襄遣將圍潁川陷之於是河南
自洛陽之西河北自晉州之西悉入西魏文宣命
將略地南濟于江又過江得梁夏口武成清河中

築戍於軹關當神武之時與周文帝抗敵十三四年間凡四出師大舉西伐周師東討者三焉大抵西則姚襄城洪洞晉州武平關柏崖軹關河陽南則虎牢洛陽北荊州孔城防汝北郡魯城置兵以防周寇周文帝西魏大統中東魏師至蒲津文帝東征克陝州兼得宜陽郡邵郡東師又至沙苑後東征至河陰先勝後敗築戍於玉壁文帝又至邙山先勝後敗其河南自洛陽之東北河東自平陽

之界屬于高齊當全盛戰爭之際則玉壁邵郡子嶺通洛防黃櫨三城宜陽郡陝州土剗三荆三鷓重兵以備東軍

宇文高氏魏之篡盜也爭地爭城若蠻觸然通典錄其事存之以備參攷

蒲津

通典同州朝邑縣

古臨晉縣

西南有蒲津關漢伍被

傳淮南王曰先要成臯之口塞輶轅伊闕之道

守武關然此北尚有臨晉關

即蒲津關也
在臨晉縣

張說

蒲津橋贊河上有三橋蒲津是其一隔秦稱塞

臨晉名關關西之要衝河東之輻湊唐六典造

舟之梁四河三洛一河則蒲津大陽盟津洛則

孝義唐志河中府河西縣

折朝邑
河東置

有蒲津關一

名蒲坂關開元十一年鑄八牛牛有一人策之

牛下有山皆鐵也夾岸以維浮梁郡縣志在河

東縣西四里

魏太祖西征馬超韓遂夜渡蒲津
關今造舟為梁亦關河之巨防

風陵

通典河中府河東縣有風陵堆與潼關相對在

潼關北岸唐志河東縣南有風陵關聖曆元年

置郡縣志風陵堆山在河東縣南五十五里與

潼關相對風陵故關一名風陵津在縣南五十

里魏太祖西征韓遂自潼關北渡即其處也水

經注關之直北隔河有層阜孤峙河陽世謂之

風陵戴延之所謂風埴

潼關 武關

並見前

上洛

晉置郡西魏置洛州後周改為商州治上洛縣
竹書紀年晉烈公三年楚人伐我南鄙至于上
洛是也商山在縣西南

陝州

通典後魏置陝州後周又置嶠郡置兵於此備

齊

沙苑

郡縣志一名沙阜在同州馮翊縣南十二里東
西八十里南北三十里周太祖與高歡戰于沙
苑大破之人栽一樹以表其功今樹往往猶存

今以其處宜六畜置沙苑監類要寰宇記沙苑
古城在朝邑縣南十七里顏氏正俗曰本草防
風生沙苑川澤陶弘景注云郡縣無名沙苑者
按今同州沙苑之內猶有防風陶公生長江南
竟不知處

河陰

通典今洛陽縣北輿地廣記漢平陰縣故城在

洛陽縣北五十里魏文帝改為河陰

周武帝攻拔河陰大

城

河陽城

三城

中渾城

通典河陽縣北城後魏太和中築齊使潘樂鎮

於此又使高永樂守南城以備西魏並今城也

其中渾城本東魏所築仍置河陽關郡縣志南

城在河陽縣西四面臨河即孟津之地亦謂之

富平津中渾城東魏元象元年築唐至德中史

思明來寇李光弼率士馬數萬東守河陽三城

賊憚光弼兵威南不出百里西不越畿內陝州

得修戎備關隘無虞皆光弼保河陽之力自乾

元後常置重兵正元後置節度為都城之巨防

唐屬河南府置河陽三城使會昌三年置孟州

齊傳伏自永橋夜入中

渾城

方勺曰河陽二城其中城曰中渾黃河西派貫於三城之間秋水泛溢時南北二城

皆有濡足之患唯中
渾屹然如故渾音誕

邙山

郡縣志北邙山在河南府偃師縣北二里十道
志邙山在洛陽縣北十里

潁川

通典潁川郡後周改曰許州西魏王思政鎮守
東魏圍二百日城陷即今長葛縣界故長社城
也郡縣志長社故城許州長葛縣西一里西魏

王思政進拔潁川東魏清河王岳圍潁川造高
堰引洧水以灌城城陷水自東北入城

晉州 平陽

通典魏置平陽郡劉淵建都於此後魏為晉州

東魏北齊皆為重鎮

周建德中攻拔晉州使梁士彥守之

軹關

通典河南府濟源縣漢軹縣地故城在今縣東
南高齊拒周使斛律光築關於此唐志孟州濟

源縣西有故軹關

隋志懷州王屋縣有軹關

姚襄城

郡縣志在慈州吉昌縣

後唐改吉鄉熙寧五年廢慈州以吉鄉隸隰州

元祐復置

西二十五里本姚襄所築其城西臨黃河

控帶龍門孟門之險周齊交爭之地城高二丈

周迴五里武平二年斛律光破周兵於此城遂

立碑表其功又於此城置鎮

東魏南汾州北齊西汾州唐曰慈州

取慈鳥戍為名

洪洞

周伐齊攻拔洪洞永安二城通典洪洞故城在

晉州洪洞縣北六里東魏北齊鎮也四固重禱

控據要險

漢為楊縣取縣北洪洞嶺為名隋志霍邑縣後魏曰永安郡縣志姚叔序

行記曰周建德五年從行討齊師次洪洞百雉相臨四周重複控據要險城主張元靜率其所部肉袒軍門

武平關

通典絳州正平縣有高齊故武平關在縣西三

十里

周平齊廢

故家雀關在縣南七里並是鎮處

柏崖

郡縣志河南府河清縣西有柏崖故城即東魏

將侯景所築

唐志咸亨四年置柏崖縣有柏崖倉咸亨中王本立置

虎牢

通典東魏武定中陸子章增築城守隋志汜水

縣

唐屬孟州

舊曰成臯即虎牢後魏置東中府東魏

置北豫州

唐志有虎牢關

北荊州

通典今河南府陸渾縣東北故城是

陳志陸渾縣有東魏

北荊州

孔城防

通典河南府壽安縣有九曲城所謂九阿也

水經

注洛水東逕九曲南其地十里有坂九曲穆天子傳天子西征升于九阿是也

高齊置

孔城防以備周在今縣東南

汝北郡

地理通釋

卷之十四

及古

隋志汝州梁縣舊置汝北郡通典梁縣西南王
塢城亦名高齊汝北郡以備周寇郡縣志故城
在今縣南

魯城

通典汝州魯山縣高齊于縣東北十七里置魯
城以禦周

宜陽郡

隋志洛州宜陽縣後魏置宜陽郡東魏置揚州
後周改曰熊州通典河南府福昌漢宜
陽縣縣城

魏之一金塢城東南北三面峭絕天險後周重

兵於此以備高齊

水經注一金塢唯築四面

韋孝寬曰宜陽

一城之地兩國爭之

周梁崇德等五城齊築統關豐化二城

華谷龍門二城

齊斛律光於汾北築通典絳州龍門縣有龍門
山即大禹所鑿水經注汾水逕冀亭南又西與
華水合水出北山華谷皮氏縣有冀亭故城在
龍門東南河水南出龍門口汾水從東來注之

魏土地記曰梁山北有龍門山大禹所鑿通孟
 津河口廣八十步竹書紀年晉昭公元年河水
 赤于龍門三里郡縣志龍門山在同州韓城縣
 北五十里龍門成在縣東北極嶮峻後周於此
 置龍門關

邵郡

隋志絳州垣縣後魏置邵郡後周置邵州

唐志隋置

邵原郡今垣曲縣

通典西魏於此置邵郡以備東魏

玉壁

隋志絳州積山縣有後周勳州通典勳州故城

在積山縣西南十二里即大統四年王思政所

築玉壁城

郡縣志城周迴八里四面並臨深谷

為周氏重鎮高歡

再攻圍皆不克

初王思政守後韋孝寬守東師攻不拔遂置勳州

齊子嶺

郡縣志在河南府王屋縣

今屬孟州

東十二里即宇

文周與高齊分據境之處

通典縣東二十里周齊分界處周伐齊遣

韓明守之隋志懷州
王屋縣有齊子嶺

通洛防

通典故函谷關城保定中改為通洛防以備齊

在河南府新安縣

漢故函谷關在
縣東北一里

郡縣志新安

縣城本名通洛城周武帝將東討令尉遲綱築

此城以臨齊境

黃櫨三城

通典河南府永寧縣

後周熊
耳縣

後周黃櫨同軌永

昌三城以備齊

隋志後周
置同軌郡

舊唐志武德三年永

寧縣移治同軌城

土刻

通典在河南府長水縣西北二十五里蓋古關

之塞垣後周以為鎮防

長水漢盧氏縣地
後魏置南陝縣

三荆

通典獨孤信略定北荆州即今河南府伊陽縣

後周置兵
於此備齊

東荆州後改曰淮州今唐州

西魏為
重鎮置

兵以備 荆州今鄧州 西魏為重鎮置兵以備齊北史獨孤信都督三荆州

今按伊陽縣唐先天元年析陸渾置隋志陸渾

縣有東魏北荆州

三鷓鎮

通典汝州魯山縣後周置三鷓鎮在縣西南十

九里亦名平高城以禦齊百重山在鄧州向城

縣北即三鷓之第一又北分嶺山嶺北即三鷓

之二其第三鷓入魯山縣界韋孝寬陳伐齊三

策其一廣州義旅出自三鷓其二三鷓以北

春以南廣事屯田預為貯積 郡縣志魯山縣

鷓水經縣西七里魯陽關在向城縣北八十里今鄧汝二州於此分境荆豫逕途斯為險要張

景陽詩云朝登魯陽關狹路峭且深

陘嶺

郡縣志石銘陘嶺在代州靈丘縣西北八十里

上有石銘題言冀州北界故謂之石銘陘水經

注天井水出東陘山西南北有長嶺嶺上東西

有通道即鉞陞也

穆天子傳至于鉞山之隊東升三道之陞

永州

隋志蔡州義興縣後齊曰永州隋廢入城陽縣

大和谷

唐志河南府伊陽縣有太和山

穀水

水經穀水出弘農黽池縣南穀陽谷又東過河

南縣北東南入于洛

注韋昭曰洛水在王城南穀水在王城北東入于瀍

地理志東北至穀城入洛

沃野河州

唐地理志北經太泊十七里至金河又經故後

魏沃野鎮城

郡縣志沃野故城在天德軍城北六十里

通典河州前

秦置後周置枹罕郡漢志朔方郡有沃塹縣

稽胡

通典一曰步落稽蓋晉時匈奴別種或云山戎

赤狄之後自離石

石州

以西安定

涇州

以東方七八

百里居山谷間後周齊王憲討破之

柏谷城

水經注河水東合柏谷水水出弘農縣今號州號略縣

兩石隄山北流逕其亭下晉公子重耳出亡及

柏谷漢武帝嘗微行此亭九域志號州朱陽縣

有柏谷

定陽城

齊斛律光圍定陽定陽城通鑑考異云汾州築南汾城以逼

之周使郭榮城於姚襄城南定陽城西輿地廣

記慈州吉鄉縣東魏置定陽縣及定陽郡隋改

吉昌置文城郡唐曰慈州

汾州

通典慈州東魏置南汾州北齊改西汾州

紫陌

在鄴西水經注漳水北逕祭陌西田融以為趙

建武十一年造紫陌浮橋於水上周師至紫陌

入相州臨漳縣鄴都記城西北五里石
虎時於漳水造浮橋接紫陌宮因名之

洛口 永橋

史記正義洛汭洛口在河南府鞏縣洛水之口

入河 左傳注雒汭在河南鞏縣南按水經在鞏縣之東北唐志鞏縣有洛口倉隋移縣出

洛口立此倉○見前什谷口 永橋在懷縣 懷縣故城在懷州武涉縣西

汾曲

詩彼汾一曲水經汾水出太原汾陽縣北管涔

山 廣記憲州靜樂縣有管涔山 南過平陽縣東又西至汾陰

縣北西注于河

雀鼠谷 汾水關

唐志汾水介休縣有雀鼠谷 靈石縣有陰地關長寧關 水經

注冠爵津汾津名也在介休縣之西南俗謂之

雀鼠谷水左右結偏梁閣道累石就路縈帶巖

側或去水一丈或高六丈上戴山阜下臨絕澗

俗謂為魯般橋蓋古之津隘今之地嶮郡縣志

雀鼠谷在介休縣西十二里通典汾州靈石縣

東南有高壁嶺雀鼠谷汾水關皆險固之處周

伐齊遣齊王憲守雀鼠谷隋李淵討甄翟兒遇

於雀鼠谷唐太宗追宋金剛宿於雀鼠谷之西

原

隋志汾州永安縣有雀鼠谷郡縣志蔚汾關在嵐州合河縣東七十里

千里徑

統軍川

未詳

鼓鐘鎮

晉祠

天池

水經注垣縣鼓鐘川世人謂之鼓鍾城山海經

曰鼓鐘之山郡縣志晉祠一名王祠唐叔虞祠

北燕京山

貞觀二十年太宗幸并州

製碑在乾陽門街

天池在嵐州靜樂縣

今屬憲州

北燕京山

上周迴八里陽旱不耗陰霖不溢故老言嘗有

人乘車風飄墮池有人獲車輪於桑乾泉

今池側有

祠水經注池在山原之上其水澄渟若朝那之湫淵桑乾泉潛流通注唐置天池縣咸平省人

靜本朝歐陽公云寧化軍天池

太平興國四年析嵐州地置寧

化縣五年置軍

永安 雞栖原

隋志晉州霍邑縣後魏曰永安并置永安郡郡

縣志汾州孝義縣後魏分隰城置永安縣今靈石縣

東十三里 貞觀改 雞栖蓋在永安

涑川

水經河水南逕雷首山西又南涑水注之左傳謂之

涑川俗為陽安澗水 涑水出河東聞喜縣東山黍葭谷左

傳伐我涑川注云涑水出聞喜縣州解西南至蒲

坂縣河中府河東縣入河郡縣志涑水在河中府臨晉

縣東十二里涑川在陝州夏縣北四十里川東西

十里南 北七里

高粱橋 北朔州 高壁 介休

括地志高粱故城在晉州臨汾縣東北二十七

里水經汾水西南過高粱邑西竹書紀年晉出公三十年智伯

梁城 郡縣志高齊文宣於馬邑城置朔州汾水介休

縣後魏孝靜立為南朔州故謂馬邑為北朔州 高壁嶺見前 洛女砦未詳

介休縣本秦漢舊邑在介山西介山在縣西南二十里

土門 滏水 宜州

唐志鄭州獲鹿縣有故井陘關一名土門關郡

縣志井陘口今名土門口縣西南十里即太行

八陘之第五陘也第四滏口陘對鄴西郡縣志注滏水

熱故名滏口燕慕容垂出滏口入天井關唐李光弼出土門破史思明軍通典京兆

府華原縣西魏為宜州

三臺

水經注鄴城西北有三臺皆因城為基巍然崇

舉其高若山建安十五年魏武所起其中曰銅

雀臺高十丈南則金虎臺高八丈北曰冰井臺亦高八丈

魏都賦三臺列峙以崢嶸注銅爵園西有三臺

中央有銅爵臺南則金虎臺北則冰井臺建安十五年

年作銅爵臺有屋一百一間金虎臺有屋一百九間冰井臺有屋百四十五間上有冰室三臺

與法殿皆閣道相通直行為徑周行為營通典相州鄴縣有魏武帝文帝甄后等三陵臺石

勒將攻三臺張賓曰三臺險固攻守未可卒下石虎鎮鄴三臺鄴縣宋朝熙寧六年省入

臨漳縣

新興 顯州 東雍州

地理通釋

卷之十四

及古制

通典朔州漢末置新興郡隋志代州崞縣後齊
為北顯州絳州後魏置東雍州郡縣志後魏太
武於今治西南二十里正平縣界柏壁置東雍
州及正平郡孝文廢東魏復置周明帝改為絳
州 柏壁在正平縣西南二十里高二丈五尺周迴八里

營州 黃龍

隋志後魏置營州於和龍城通典周武帝平齊
其地猶為高寶寧所據水經注白狼水北逕黃

龍城東十三州志昌黎有黃龍亭魏營州刺史

治 通鑑契丹黃龍府即慕容氏和龍城隋長孫晟出黃龍道

潞水

通典薊州漁陽縣有鮑丘水又名潞水檀州密

雲縣有潞水自塞外流入 袁紹遣將與公孫瓚戰於鮑丘水經注鮑

丘水出北塞中南流經九莊嶺東俗謂之大水

經注魏土地記潞縣城西三十里有潞河 唐屬幽州

鮑丘水從塞外來經密雲戍過幽州潞縣西 俗曰

東潞

唐三州七關十一州

大中三年吐蕃以秦原安樂三州石門驛藏木峽制勝六盤石峽蕭七關歸于有司五年沙州人張義潮以瓜沙伊肅鄯甘河西蘭岷廓十一州歸于有司初太宗平薛仁果得隴上地虜李軌得涼州破吐谷渾高昌開四鎮玄宗繼收黃河積石宛秀等軍中國無斥候警者幾四十年輪臺伊吾屯田

禾菽彌望開遠門揭候署曰西極道九千九百田

示戍人無萬里行也乾元後隴右劔南西山三州

七關軍鎮監牧三百所皆失之紀傳秦州天水

郡縣六治上邽大中三年徙治成紀宋中興惟有天水縣為天

水原州平涼郡縣二治平高廣明後復沒吐蕃安

樂州咸亨三年以靈州故鳴沙縣地置以居吐谷

渾部落大中三年收復更名威州縣二鳴沙温池

七關原州平高縣西南有木峽關州境又有石門

驛藏制勝石峽木靖等關并木峽六盤為七關宋至

道元年以故平高縣地置鎮戍軍慶曆二年置高平寨軍北二十五里蕭關大中五

年以原州之蕭關置武州蕭關縣神龍元年置瓜州晉昌郡

武德五年析沙州之常樂置縣二常樂更名晉昌別置常樂汝

州燉煌郡本瓜州通典云唐置又按北涼孟敏為沙州刺史已有沙州武德

五年曰西沙州貞觀七年曰沙州縣二治燉煌伊

州伊吾郡本西伊州在燉煌北大磧之外元魏始

立伊吾郡後為鄯善所據貞觀四年西域雜胡內

附乃立州六年曰伊州縣三治伊吾肅州酒泉郡
武德二年析甘州之福祿瓜州之玉門置縣三治

酒泉鄯州西平郡通典古西羌所居湟水地後魏置州縣三治

湟水宋收復改為西寧州甘州張掖郡西魏置縣二治張掖

河州安昌郡本枹罕郡天寶元年更名前漢置縣三治枹罕宋熙

寧收復西州交河郡貞觀十四年平高昌置縣五治

前庭本高昌縣更名蘭州金城郡隋開皇初置以臯蘭山各州縣

二治五泉宋元豐收復岷州和政郡西魏置縣二治溢

地理通釋 卷之十四 及古

樂

本臨洮今西和州祐川縣宋熙寧收復

廓州寧塞郡

本澆河郡天寶元年更名

後周武帝逐吐谷渾置縣三治廣威

宋收復

隴上薛

舉起金城號西秦霸王盡有隴西地涼州李軌自

稱河西大涼王拔張掖燉煌西平枹罕悉有河西

四鎮

見前

黃河磧石宛秀等軍哥舒翰傳攻破吐

蕃洪濟大莫門等城收黃河九曲以其地置洮陽

郡築神策宛秀二軍通典積石軍廓州西北八十

里儀鳳二年置

郡縣志積石軍在廓州西南一百五十里西臨大澗北枕黃河即隋

澆河郡所理

唐志廓州西有寧塞軍西八十里宛秀城

有威勝軍天寶十三載置

郡縣志威勝軍在積石軍西八十里宛秀城

輪臺伊吾北庭府輪臺縣長安二年置伊州伊吾

縣本後漢伊吾屯貞觀四年置縣西山吐蕃傳南

入松維保等州及雲山新籠城按樂志天寶樂曲

皆以邊地名若涼州伊州甘州之類明年安祿山

反涼州伊州甘州皆陷吐蕃賈耽傳吐蕃盛疆盜

有隴西異時州縣遠近有司不復傳耽乃繪布隴

右山南九州且載河所經受為圖又以洮湟甘涼
屯鎮額籍道里廣狹山險水原為別錄六篇河西
戎之錄四篇上之

河湟

通典羌三河黃河析支河湟中河程氏曰諸羌散居三大川之間隴右河西兼河湟為名

不同一地

五代史當唐之盛時河西隴右三十三州涼

州最大土沃物繁而人富樂其地宜馬唐置八監
牧馬三十萬匹以安西都護府羈縻西域三十六
國唐之軍鎮監務三百餘城常以中國兵更戍而

涼州置使節度之安祿山之亂肅宗起靈武悉召
河西兵赴難而吐蕃乘虛攻陷河西隴右華人百
萬皆陷于虜文宗時嘗遣使者至西域見甘涼瓜
沙等州城邑如故而陷虜之人皆唐使者夾道迎
呼涕泣曰皇帝猶念陷蕃人民否其人皆天寶時
陷虜者子孫其語言變而衣服猶不改至五代時
吐蕃已微弱回鶻党項諸羌夷分侵其地而不有
其人民值中國衰亂不能撫有惟甘涼瓜沙四州

常自通於中國其州為回鶻牙其州為回鶻所并而涼瓜

沙三州將吏猶稱唐官數來請命吐蕃傳湟水出

蒙谷抵龍泉與河合河之上流繇洪濟梁西南行

二千里世舉謂西戎地曰河湟洪濟梁積石軍西南一百四十里洪

濟橋郡縣志湟水名湟河亦謂之樂都水出青海東亂山中東南流至蘭州西南入黃河

石晉十六州攷

契丹立石敬瑭為晉帝敬瑭割幽薊瀛莫涿檀順

新媯儒武雲應寰朔蔚十六州以與契丹

幽州東漢廣陽郡兼立幽州治薊縣前燕都此隋

立涿郡唐為幽州范陽軍為盧龍軍九域志范陽盧龍兩

城節度。領縣九。

薊州隋徙玄州於此置漁陽郡唐開元十六年析

幽州置治漁陽縣領縣三

瀛州河間郡後魏孝文置州治河間縣領縣五

莫州文安郡唐景雲二年以瀛州之鄭任丘文安

清苑唐與幽州之歸義置鄭州開元十三年以

鄭鄭文相類更名治莫縣

本鄭縣領縣六

涿州涿郡唐大曆四年節度使朱希彩表析幽州

之范陽歸義固安置治范陽

本涿縣領縣五

檀州後魏立安州後周改玄州隋立檀州安樂郡

唐更名密雲郡治密雲

本漢斥奚縣領縣二

順州通典順州順義郡在范陽郡城

幽州

唐天寶初

置治賓義縣九域志化外順州領賓義一縣唐

志突厥州順州貞觀四年平突厥以其部落置

于幽靈之境後僑治幽州城中

以上七州唐河北道

新州唐志

闕

領縣四永興礬山龍門懷安輿地廣

記唐末置後唐同光二年升威塞軍節度

通鑑威塞

軍防禦使李存矩在同光前唐河東道

媯州媯川郡北齊立北燕州後周曰燕州唐武德

七年以幽州懷戎置北燕州貞觀八年更名治

懷戎

本潘縣河北道

儒州輿地廣記唐末置九域志領晉德一縣

廣紀縉山

縣朝野雜記晉山縣距燕京百八十里

武州輿地廣記唐末置唐志領文德一縣後唐長

興元年改毅州

雲州雲中郡貞觀十四年自朔州北定襄城徙治

定襄縣治雲中縣本馬邑郡雲內之恒安鎮武

德元年置北恒州貞觀十四年置定襄縣開元

十八年更名天寶元年曰雲中郡升大同軍節

度會昌三年置大同都團練使治雲州乾符五年升大同都防禦使為節度使

應州續通典故屬大同軍節度輿地廣記唐末置

領金城混源二縣後唐明宗金城縣人天成元

年升彰國軍節度唐志代州北有大同軍雲州

寰州職方考後唐明宗置輿地廣記唐末置領寰

清一縣武經總要按河東記契丹寰州句注在州西北二十里即西陘山也蓋代州雁

地門縣

朔州馬邑郡魏武帝置新興郡晉改晉昌後魏置

懷朔鎮及朔州隋為馬邑郡領善陽馬邑二縣

蔚州後魏置懷荒禦夷二鎮及靈丘郡後周置蔚

州隋屬雁門上谷二郡雁門之靈丘上谷之飛狐唐武德六

年置州貞觀五年破突厥復故地天寶曰安邊

郡至德曰興唐郡領靈丘飛狐興唐三縣以上並河

東道

周顯德六年取瀛莫定三關

唐宣宗復河湟未幾中原多故既得遄失熙寧以

後取熙河取蘭會取湟鄯貪功生事之臣迷國殄

民而甘涼瓜沙汧不為王土周世宗取瀛莫二州

而十四州終淪於異域藝祖出幽燕圖示趙普普

以為其難在守宣和姦臣與女真夾攻得燕山雲


中空城而故都禾黍中夏塗炭矣易師之上六曰

小人勿用必亂邦也余為之感慨而通釋終焉

地理通釋

三十

沈氏



通鑑問疑

劉義仲壯輿

祕書丞高安劉公諱恕字道原嘗同司馬公修
資治通鑑司馬公深畏愛其博學每以所疑問
焉祕丞公未冠登第名動京師文行竝高意氣
偉然然以直不容於世論次一家之書欲爲萬
世之傳固已負其初心而書未及成捐棄館舍
後世又未必知祕丞公於通鑑嘗預有力焉也

祕丞公有子曰義仲傷其先人功之不彰而幼侍疾家廷嘗備聞餘論乃纂集其與司馬公往復相難者作通鑑問疑

道原嘗謂司馬君實曰正統之論興於漢儒推五行相生指璽紱相傳以爲正統是神器大寶必當扼喉而奪之則亂臣賊子釋然得行其志矣若春秋無二王則吳楚固周諸侯也史書非若春秋以一字爲褒貶而魏晉南北五代之際以勢力相敵

遂分裂天下其名分位號異乎周之於吳楚安行強拔一國謂之正統餘皆爲僭僞哉况微弱自立者不必爲僭背君自立者不必書爲逆其臣子所稱亦從而稱之乃深著其僭逆也

君實曰道原言諸國名號各從臣子所稱固爲通論然修至十六國有修不行者至如乞伏國仁初稱單于苻登封爲苑川王乾歸稱河南王前秦封爲金城王又封隴西王進封梁王前秦滅乃稱秦

王後降於後秦已而逃歸復稱秦王又降於秦爲河南王熾盤亦稱河南王又復稱秦王呂光初稱酒泉公改稱三河王後乃稱梁王秃髮烏孤初稱西平王改稱武威王利鹿孤稱河西王儁檀稱涼王後去年號降于秦旣而復稱涼王段業稱涼王沮渠蒙遜殺業自稱張掖公改稱河西王魏封爲涼王若此之類當稱何國若謂之河南隴西乃是郡名若謂之秦涼則其所稱又國號屢改若不著

名知復爲誰又匹夫妄自尊大卽因其位號稱之則王莽公孫述亦不當稱姓名也今欲將吳蜀十六國及五代偏據者皆依三十國春秋書爲某主但去其僭僞字猶漢書稱趙王歇韓王信也至其歿則書曰卒諡曰某皇帝廟號某祖某宗獨南北朝書某主而不名其崩薨之類從舊史之文不爲彼此升降如此以理論之雖未爲通然非出已意免刺人眼耳不然則依宋公明紀年通譜以五德

相承晉亡之後元魏繼之黜宋齊梁陳北齊朱梁皆如諸國稱名稱卒或以朱梁比秦居木火之間及比王莽補無王之際亦可也五德之固出於漢儒由是竝依天道以斷人事之不可斷者耳

道原曰晉元東渡南北分疆魏周據中國宋齊受符璽互相夷虜自謂正統則宋齊與魏周勢當兩存之然漢昭烈竄巴蜀似晉元吳大帝興於江表似後魏若謂中國有主蜀不得紹漢爲僞則東晉

非中國也吳介立無所承爲僞則後魏無所承也南北朝書某主而不名魏何以得名吳蜀之主乎君實曰光因道原言以吳蜀比南北朝又思得一法魏吳蜀宋齊梁陳後魏秦夏涼燕北齊後周五代諸國名號均敵本非君臣者皆用列國之法沒皆稱殂王公稱卒周秦漢晉隋唐嘗混一天下傳祚後世其子孫微弱播遷承祖宗之業有紹復之望欲全用天子法以統臨諸國沒則稱崩王公稱

薨東晉元帝已前稱崩薨而名列國劉備雖承漢後不能紀其世次猶宋高祖稱楚元王後李昇稱吳王恪後是非不可知不得與漢光武晉元帝爲例

道原曰嘗混一海內者并其子孫用天子法未嘗相君臣者從列國法此至當之論也然以晉元比光武茲事恐未當晉失其政五胡紛擾天命不常唯歸有德若東晉德政勝則僭偽之主必復爲臣

僕而東晉與諸國異名號竝正朔是德政不相勝也吳嘗稱臣于魏魏不能混一四海不得用天子法而東晉僻在江南非魏之比又諸國苻健姚萇慕容垂等與東晉非君臣東晉乃得用天子之法乎若秦夏涼燕及五代諸國雖僭竊名號皆繼踵仆滅其興亡異於吳蜀南北朝此黜之不當疑也君實曰道原黜秦夏涼燕及五代諸國愚慮所不到者然欲使東晉與五胡竝爲敵國則與光所見

異晉元乃高祖曾孫琅琊嫡嗣其鎮建鄴加鎮東皆西朝詔除也懷愍既歿賊庭天下推戴元帝者時宗室領藩鎮最親者強盛元帝而已晉嘗奄有四海兼制夷夏苻姚慕容垂等雖身不臣晉其父祖皆晉臣而東晉之視苻姚猶東周之視吳楚也魏吳俱爲列國豈能相臣吳稱臣于魏猶勾踐之事夫差石勒之事王浚非素定君臣之分者也然不知晉武帝隋文帝之初吳主陳主當稱吳主皓

陳主叔寶蕭琮附庸爲當名否晉未平吳之前欲如魏世與吳抗敵宜如魏世用列國法晉傳於宋宋傳於齊齊傳於梁梁傳於陳當用宋齊梁陳年號以紀諸國事迹陳亡之後用隋年號隋未平陳以前稱隋主而不名蕭琮爲後周附庸與梁陳非君臣梁陳不當名蕭琮也

君實曰漢有國邑者則曰封某主某侯無國邑者則曰賜爵關內侯魏晉王侯率皆虛名若云無國

邑者則亦有就國者沈慶之以始興優近求改封南海是食國租稅也若云有國邑則有封境外郡縣者如宋有始平王魏有廣陵王也不知當書封某王侯當書賜爵某王侯

道原曰南北朝諸王雖不就國皆有國邑國官宋孝武大明中分實土郡縣爲僑縣境宋志雍州有始平郡青州有太原郡荊州有河東郡皆僑郡也齊志秦州有始平郡故宋有始平王魏志豫州有

廣陵郡故魏有廣陵王恐不可云賜爵當云封某王侯也

君實曰凡用天子法者所統諸侯皆用稱薨而晉書帝紀惟親王三公及二王後稱薨餘雖令僕方伯開府如羊祜杜預之徒亦止稱卒隋書帝紀內史令納言及封國公郡公者亦稱卒惟親王三公及開府儀同三司稱薨新舊唐書令僕中書令侍中平章事參知機務政事皆稱薨若依古禮五等

稱薨則晉惠帝時令長卒伍皆有爵邑不可蓋稱薨也西晉荀勗等爲尚書令中書監令雖用事不謂之宰相東晉庾亮何克等始謂之宰相欲自晉以後惟王爵及三公宰相稱薨餘皆稱卒南北朝王公亦稱卒至隋則令僕內史令納言爲宰相至唐則平章事爲宰相三師三公皆爲散官欲皆以爲薨可乎

道原曰周秦漢魏諸侯稱薨至晉已後唯王爵及三公宰相稱薨或薨或卒於例未勻不如用陸淳例皆稱卒

君實曰諸臣稱卒誠爲確論但恨已進者周秦漢紀不可請本追改其晉隋唐紀除諸王三公三師稱薨餘雖宰相亦稱卒尚書令僕及門下中書權任所在謂之宰相終非正三公也

道原曰散官若亦稱薨宰相不應稱卒

君實曰長曆景平二年正月丁巳朔二月丁亥朔

後魏書紀志是歲不日食道原於長編何故書景平二年二月癸巳朔日有食之

道原曰宋高祖紀永初三年正月甲辰朔景平元年正月巳亥朔皆與劉仲更曆合舊本八月乙未朔九月當乙丑朔誤作辛丑十月甲午朔誤作庚午十一月甲子朔誤作庚子十二月癸巳朔不誤十二月癸巳則二年正月當癸亥朔二月癸巳朔三月壬戌朔舊本乃誤作正月丁巳二月丁亥三

月丙戌至四月辛卯不誤建康實錄景平二年二月癸巳朔日有食之乙未義恭爲冠軍丁未大風皆與宋書紀同惟宋書誤以二月爲正月南史誤以二月朔爲巳卯

君實曰晉帝紀晉春秋紀年通譜隆安五年九月呂隆降秦十月姚興侵魏道原何故於元興元年書五月姚興侵魏八月呂隆降秦

道原曰姚興載記興遣姚平伐魏姚碩德伐呂隆

碩德敗隆於姑臧姚平攻魏乾城陷之遂據柴壁魏軍攻平截汾水守之碩德攻隆爲持久計隆懼遂降姚平赴汾水歿魏書天興五年五月姚興遣其弟義陽王來侵平陽攻陷乾壁八月車駕西討至乾壁平固守進軍圍之姚興悉舉其衆來救帝度蒙坑逆擊興軍大破之十月平赴水歿天興五年晉之元興元年五月也八月魏圍姚平於乾壁然後呂隆降于碩德則是八月也晉紀隆安五年

九月呂隆降秦十月姚興侵魏者誤也晉去中國遠事得於傳聞故或前一年或後一年載記往往按諸國書而本紀憑晉時起居註故差誤特甚君實曰晉紀義熙十二年二月姚興歿子泓嗣五月司馬休之魯宗之奔姚泓道原何故於義熙十二年五月書司馬休之魯宗之奔姚興

道原曰姚興載記晉義熙十一年正月荊州刺史司馬休之雍州刺史魯宗之與劉裕相攻遣使來

通鑑問疑 十 漢古閣
求援五月休之等爲裕所敗奔于興晉書休之傳亦云奔姚興是十年五月姚興猶未歿而姚興載記後魏本紀十六國春秋北史僭僞附庸傳南史宋武帝紀姚興以義熙十二年二月歿是晉紀誤以十二年二月爲十一年二月故休之等奔秦亦誤云奔姚泓也

君實曰武陵王紀本傳大寶二年四月紀僭位于蜀年號天正與蕭棟暗合識者尤之曰於文天爲二人正爲一止言各一年而止也道原何故於承聖元年書武陵王紀卽位于蜀

道原曰南史簡文紀大寶二年八月侯景卽位明年四月武陵王紀僭號於蜀按蕭棟以大寶二年八月卽位改元天正若紀以大寶二年四月改元事乃在先非是暗合又紀本傳紀次西陵時陸納未平蜀軍復逼元帝憂之陸納以承聖元年十月反則大寶二年不應言陸納未平也故從帝紀承

聖元年武陵王紀僭號爲是君實曰然

君實又曰晉都督領刺史有止督本州者刺史專統本州何謂更改督字南史畧去所督州名但云加都督都督豈虛名乎

道原曰齊百官志晉太康中刺史治民都督知軍事至惠帝乃并任非要州則單爲刺史是刺史不加督字者不得總其統內軍事也檀道濟都督江州之江夏豫州之西陽新蔡晉熙四郡諸軍事江

州刺史晉宋志江州領郡九豫州領郡十而道濟止得都督四郡南北朝時軍任甚重都督豈虛名哉南史但云江州刺史務欲省文不知害義也君實曰後魏禮志太和十五年詔尊烈祖爲太祖顯祖爲二祧帝紀太宗永興二年諡道武爲宣武皇帝廟號太祖不言號烈祖又太武功業最盛廟號世祖何爲不預二祧

道原曰道武追尊神元廟號始祖平文廟號太祖

昭成廟號高祖皆爲不遷之廟則太宗上皇武帝號不應又號道武廟爲太祖史官但舉後來廟號耳孝文去文太祖之號亦必去昭成高祖之廟號故孝文廟號高祖魏收序紀惟稱始祖神元皇帝而平文昭成皆不冠廟號也禮志詔書云烈祖有創業之功世祖有開拓之德其以道武爲太祖比后稷世祖烈祖爲二祧比文武是顯祖字上脫世祖二字也

君實曰梁高祖紀中興元年十二月宣德皇后授高祖大司馬依晉武陵王承制故事二年正月又加高祖大司馬解承制何也

道原曰舊本梁高祖紀中興二年正月大司馬解承制齊和帝紀亦云大司馬梁王解承制後人誤於大司馬上加於高祖三字也

君實曰魏紀太和九年均田詔云還受以生歿爲斷志云十五以上受田又云及課則受田老免則

還田又云有舉戶老小癯者年踰七十不還是不以生歿爲斷也又云所授之田率倍之是受四十畝者更受八十畝閒田歟桑田不在還受之限是民於田中種桑者卽得爲永業歟又云非桑之土夫給一畝或給二十畝或十六畝何其不均也又曰應還之田不種桑棗是露田又不種歟又云嘗從見口有盈者無受無還何哉又云一人之田正從正倍從倍不得隔越他畔是二者必須相鄰地

形安得如此井田廢久矣天下皆民田也魏計人口及奴婢皆以田給之其亦有說乎

道原曰後魏食貨志云諸遠流配謫無子孫及戶絕者墟宅桑榆盡爲公田以給授受觀均田制度似令世佃官田及絕戶田出租稅非如三代井田也劉石苻姚秦亂之後土田無主悉爲公田除兼并大族外貧民往往無田可耕故孝文分官田以給之然有分限丁口計畝給田老歿還納別授壯

者非若今世作全戶稅佃不計其歲月但不得典賣耳詔書言其畧故云還受以生歿爲斷本志言其詳故有還不還之別也不栽樹者謂之露田男夫受露田四十畝婦人二十畝謂男夫之有婦者共受六十畝也丁牛一頭受田三十畝謂戶內更有一丁未娶者及有牛一頭又受三十畝也限四牛所受之田率倍之者謂每一丁一牛則倍三十畝丁牛雖多給田止於一百二十畝故曰限四牛

也初受田者男夫一人給田二十畝前後種桑五十樹棗五株榆三根非桑之土夫給一畝依法課蒔榆棗謂初受田者雖娶婦同一戶不復給田非桑之土惟種棗榆共八株故止給一畝下文云麻布之土男夫及課別給麻田十畝婦人五畝并棗榆地亦十六畝也桑田用力最多欲勸人種桑故賜爲永業田露田有還受故不得種桑麻也恒從見口有盈者無還無受不盈者受種如法謂種桑

不還田計見在男夫及丁口其合給田畝外桑田有餘亦許爲主但不受亦不還耳若受少桑田者復受於官種桑果故盈者得賣其盈不足者得買所不足也一人之分正從正倍從倍不得隔越它畔猶下文云進丁受田恒從所近謂取逐戶傍近不必地相鄰也唐制丁男給一頃十分之二爲世業八爲口分世業則身歿承戶者受之口分則沒官更給人後諱世字故云永業魏齊周隋享國日淺兵革不息農民常少而曠土常多故均田之制存至唐承平日久丁口滋衆官無閒田不復給受故田制爲空文新唐書食貨志言口分世業之田壞而爲兼并其意似指以爲井田之比失之遠矣君實曰然

君實訪問道原疑事每卷不下數條論議甚多不能盡載載其質正舊史差謬者然道原在書局止類事跡勒成長編其是非予奪之際一出

君實筆削而義仲不及見君實不備知凡例其是非予奪所以然之故范純夫亦嘗預修通鑑乃書所疑問焉其書曰

漢之薛包茅容等舊史止附別傳通鑑具載事跡不可不謂廣記而淮南王太史公皆稱屈原離騷與日月爭光通鑑乃削去屈原投汨羅撰離騷等事歷代傳林文苑隱逸傳直十削去七八春秋褒秋毫之善通鑑掩日月之光此義仲所疑一事也

二京三都等賦解嘲賓戲等文通鑑皆不書而孟子與梁惠王荀卿與臨武君難疑答問通鑑不漏略一句荀孟事跡則隱沒不書太史公之於管晏猶次其傳而不論其書司馬公之於孟荀乃論其書而不次其傳此義仲所疑二事也

通鑑吳蜀曰主曰殂南北朝曰主曰帝曰殂司馬公言地醜德齊不能相一用列國之法庶幾不誣事實近於至公然世宗封李昇爲唐國主仁宗封

通鑑問疑 十七
元昊爲夏國主主與帝非列國也司馬公論正統
與歐陽公略同而歐陽公天下有統以有統書之
天下無統以無統書之通鑑若言有統則不當書
南北朝爲帝若言無統則不當書南北朝爲主此
義仲所疑三事也

宋高祖射蛇於新州明日見青衣童子杵藥曰我
王爲劉寄奴所傷然寄奴王者不可殺高祖叱之
皆散通鑑凡此類符讖事皆不書而秦二世元年
書漢高祖射蛇事高祖斬蛇非符讖乎通鑑何以
書此義仲所疑四事也

陸雲本無玄學夜行迷路見一少年與談老子後
尋宿處乃王弼冢自此談玄殊進通鑑凡此類神
怪事皆不書而梁中大通二年書寇祖仁藏金事
祖仁藏金非神怪乎通鑑何以書此義仲所疑五
事也

北齊神武出征遇天寒雪使人舉氊陳元康於氊

下作軍書颯颯運筆俄頃數紙神武目之曰此何如孔子通鑑凡此類過褒事皆不書而漢延光元年書荀淑比叔度爲顏回不知叔度於顏回何異元康於孔子此義仲所疑六事也

孫彥高在定州默啜圍州城彥高倒鑠宅門告其奴曰善守宅門勿與鑠鑰凡此類過貶事皆不書而晉隆安三年書王凝之借鬼兵於大道不知凝之借鬼兵何異彥高守鑠鑰此義仲所疑七事也

通鑑及大業記稱煬帝弒文帝通鑑書曰上崩中外頗有異論唐曆及新唐書稱武后殺太子弘通鑑書曰太子弘薨時人以爲武后殺之通鑑疑以示疑而宋元徽四年書馮太后鳩顯祖事唯天象志云獻文暴崩實遇鳩毒元行冲國典云馮太后伏壯士太上入謁遂崩司馬公安知鳩顯祖安得不彰然則司馬公安知鳩顯祖者是馮太后與否也此義仲所疑八事也

通鑑問疑 十九
純夫曰足下可謂善問祖禹安敢不答然其間所問節目曩日當陪論議因足下之問可以解諸儒之疑此通鑑起予之助也云云

義仲得純夫書悔難通鑑之爲書君實寓局祕閣道原實預討論君實與道原皆以史自負同心協力共成此書曰光之得道原猶瞽師之得相者也范純夫劉貢甫司馬公休亦推道原功力最多君實嘗有言光修通鑑唯王勝之借一讀他人讀未

盡一編已欠伸思睡矣揚子雲云後世復有子雲玄必不廢矣方今春秋尚廢况此書乎聊用自娛餘生而已嗚呼君實所以用意遠矣非爲寡聞淺見道也然君實始成通鑑以道原遺言求通鑑定一本乃錄本以附其家而告義仲曰先君子臨終時遺言恨不見書成而此書之成先君子力居多他日須有從足下求之者若欲傳錄但傳予之非獨區區之懇亦先君子之志也然則君實期義仲

亦厚矣義仲既痛恨先人不及見奏成書又懼後
 世有以小言破言以小道害道不幸而似義仲者
 故纂集其往復問難使後世有考焉

